



07209

古文奇賞卷之十六

答張九齡書

唐

姚元崇

忽辱箋翰喜慰攸集退惟自省慙思亦深實智力之所不逮也宜朝廷之所見責也僕本凡近之材素非經濟之具叨承過聽謬膺朝委自少及長從微至著惟以直道爲業匪以曲路期通歷官三朝年逾一紀凡所稱薦罕避嫌疑實有祁奚之舉非無許允之對則天之世已被流言行之有恒久而自韞近蒙獎擢倍勵篤庸每以推賢進士爲務欲使公卿大夫稱職古文奇賞卷十六

豈楊橋之或用及解狐之可爲而悠悠之徒未足於祭。嗷。嗷。之。口。欲。以。中。傷。上。侍。天。聰。俯。仗。神。道。既。不。得。奉。身。而。退。但。知。信。心。而。前。然。顧。無。隱。慮。亦。歎。爲。明。矣。猥。惟。不。敏。微。承。厥。休。豈。當。座。銘。永。爲。身。寶。

處分朝集使敕

唐 張九齡

朕恭已承天守文繼位佈一心於兆庶明四目於萬
 方恒恐道或未周物不遂性旁求俊乂共理黎元於
 咨羣辟寧不我副凡今政要略有四端衣食本於農
 桑禮義興于學校流亾出於不足爭訟由於無恥故
 先王務其三時將以厚生修其五教將以惇俗有國
 有家同知此義不思不知患在不行耳且長吏數改
 政教屢移在官當先為國理人各湯其職不當冒榮
 干進苟利其身澆俗不可不革淳風不可不長近今
 刺史在任四考方遷實欲始終其情黜陟罰繫必若

古文奇賞 卷十六

二

縣得良宰萬戶息肩州有賢牧千里解帶仁政不遙
 行之則是皆能勵節朕復何憂且如浮遊客戶所在
 安輯征鎮人家每事優富舍廩惟實賦役惟均鰥寡
 撫存盜賊禁止郵驛無弊姦訛不生念慈入事朕常
 屬想嗟爾庶尹可不用心卿等還州遞相勸勉遵此
 王度恤彼下人敬順天常無違月令夫星列躔次土
 分區域休咎之徵惟人所感善必知至惡亦有由每
 至歲成當加賞罰宜知朕意並即好去

玄宗嘗謂左右曰每見張九齡精神頓生

上姚令公書

答青公質
有祁奚之
舉非無許
允之野又
云既不得
去身亦退
但知信心
而加

隋書

夫見勢則附俗人之所能也與不妄受志士之所難也君侯察其苟附及不輕受就而厚之因而用之則禽息之首爲知己而必碎豫讓之身感國士而能漆至於合如市道廉公之門客虛盈勢比雀羅廷尉之交情貴賤初則許之以成殉體面俱柔終乃背之而飽飛身名已遂小人恒態不可不察自君侯職相國之重持用人之權而淺中弱植之途已延頸企踵而至詣親戚以求譽嬾賓客以取容情結笑言談生羽翼萬事至廣于變難知其間豈不有才所失在於無恥君侯或棄其所短收其所長人且不知深肯之若古文奇賞 卷十六 三

斯便謂盡私於此輩其有議者則曰不識宰相無以得遷不因交遊無以求售明主在上君侯爲相安得此言由出其口所以爲君侯至惜夫長才廣度珠潛璧匿無先容以求達雖後時而自安今豈無之何近何遠但問於其類人焉度哉雖不識之有何不可是知女不私人可以爲婦矣士不苟進可以爲臣矣此君侯之度內耳安用小人之說爲固知山藏海納言之無咎下情上通氣用和洽是以不敢默而已也

冬夜於隨州紫陽先生餐霞樓上送烟子元演

隱仙城山序

李 白

吾與霞子元丹烟子元演氣激道合結神仙交殊身
同心誓老雲海不可奪也歷考天下周求名山入神
農之故鄉得胡公之精宇胡公身揭日月心飛蓬萊
起餐霞之孤樓鍊及景之精氣延我數子高談混元
金書玉訣盡在此矣白乃語及形勝紫陽因大誇其
仙城元侯閭之乘興將往別酒寒酌醉青田而少畱
夢。魘。曉。飛。渡。綠。水。以。先。去。吾。不。凝。滯。於。物。與。時。推。移
出則以平交王侯遁則以俯視巢許朱紱狎我綠蘿
古又奇賞 卷十六 四

贈之

白有書自悉其生平云昔與蜀中友人吳指南死
於洞庭之上白禪服痛哭炎月伏屍猛虎前臨堅
守不動遂權殯於湖側數年來觀筋骨尚在雪泣
持刃躬申洗割裹骨徒步負之而趨寢興攜持無
輟身手遂丐賃營葬于鄂城其與逸人東巖子隱
于岷山巢居數年不跡城市養奇禽千計呼皆就
掌取食了無驚猜其養高忘機如此

樓副大使李藏用移軍廣陵序

賈曾云羽
勝通進列
坐酣而不
爭清幾間
琴鶴土版
而流屬

夫功未足以蓋世。成不可以震主。必拔此者。持之安歸。所以彭越醢于前。韓信誅于後。况權位不及于此。者。虛生危疑。而潛包禍心。小拒王命。是以謀臣將啖以節。鉞誘而烹之。亦由借鴻濤于奔鯨。鱗生人于哮虎。呼吸江海。橫流百川。左縈右拂。十有餘郡。國計未及。誰當其鋒。我副使李公。勇冠三軍。衆無一旅。橫倚天之劍。揮駐日之戈。吟嘯四顧。熊羆雨集。蒙輪扛鼎之士。杖干將而星羅。上可以決天雲。下可以絕地維。翁振虎旅。赫張王師。退如山立。進若電逝。轉戰百勝。

古文奇賞 卷十六

五

僵屍盈川。水膏於蒼漠。陸血於原野。一掃悉解。洗清全吳。可謂萬里長城。橫斷楚塞。不絕五嶺之北。盡餌于修蛇。勢盤地感。不可圖也。而功大用小。天高路遠。社稷雖定於劉章。封侯未施于李廣。使慷慨之士。長吁青雲。且移軍廣陵。恭揖後命。組練照雪。樓船乘風。簫鼓沸而三山動。旌旗揚而九天轉。良牧出祖。列將登筵。歌酣易水之風。氣振武安之瓦。海日夜色。雲帆中流。席闌賦詩。以壯三軍之事。白也筆已老矣。序何能為。

此等文字
真可抵甲
兵數萬

春於南浦與諸公送陳郎將歸衡嶽序

朝心不可
不關

仲尼旅人。文王明夷。苟非其時。賢聖低眉。况僕之不肖者。而遷逐枯槁。固其宜耶。朝心不開。暮髮盡白。登高送遠。使人增愁。陳郎將義風。凜然英思。逸發來下。專城之榻。去邀才子之詩。動清興於中流。汎素波而徑去。諸公仰望。不及連章祖之序。慙起予。輒冠名賢之首。作者嗤我。乃為撫掌之資乎。

金陵與諸賢送權十一序

斯高柄秦嬴。世不二三。傑伏草與漢並出。莽夷未暉。耿鄧乃起。自古英達。未必盡用于當年。夫就之理在大運。爾我君六葉。繼聖熙於玄風。垂拱穆然。紫極天

古文奇賞 卷十六

六

文至此真
寒若泥濘
捫星辰濯
河漢

人其一哉。所以青雲豪士。散在商鈞。四座明哲。皆清朝旅人。吾希風廣成。蕩養浮世。素受寶訣。為三十六帝之外臣。即四明逸老。賀知章呼余為謫仙人。蓋實錄耳。而嘗採姹女于江華。收河車于清溪。與天水權昭夷。服勤爐火之業久矣。之子也。冲恬淵靜。才翰駿發。白每一篇。一札。皆昭夷之所操。吁捨我而南。若折羽翼。時歲律寒。色天風枯。聲雲帆涉。漠罔若絕。雷舉目四顧。霜天呼噤。銜杯敘離。而羣子賦詩。以出餞酒。仙翁李白辭。

暮春於江夏送張承祖之東都序

吁咄哉。僕書室坐愁。亦已久矣。每思欲退登蓬萊。極目四海。手弄白日。頂摩青穹。揮斥幽憤。不可得也。而金骨未變。王顏以緇。何嘗不捫松。傷心撫鶴。歎息課學。書劍薄遊人間。紫禁九重。碧山萬里。有才無命。甘于後時。劉表不用。于禰衡。暫來江夏。賀循喜逢于張翰。且樂船中。遇達人張侯。大雅君子。統泛舟之役。在清川之澗。談玄賦詩。連興數月。醉盡花柳。賞窮江山。王命有程。告以于邁。煙景之色。慘為愁容。繫飛帆於半天。汎淥水于遙海。欲去不去。更開芳樽。樂雖寔中。趣逸天外。平生酣暢。未若此時。至於清談浩歌。雄筆麗藻。笑飲醪酒。醉揮素琴。余實不愧于古人也。揚袂遠別。何時歸來。想洛陽之秋風。鱸伊魚以相待。詩可贈遠。無乃闕乎。

古文奇賞

卷十六

奉餞十七翁二十四翁尋桃源序

昔祖龍滅古道。嚴威刑煎熬。生人若陞大火。三墳五典散為寒灰。築長城起阿房。并諸侯殺豪俊。自謂功高義皇國。可萬世思欲。凌雲氣求仙人。登封泰山。風雨暴作。雖五松受職。草木有知。而萬象垂度。禮刑將弛。則綺皓不得不遁于南山。魯連不得不蹈于東海。桃源之避世者。可謂超升先覺。夫指鹿之儔。連頸而

白雲在天
踰俗獨出

同。必。非。吾。黨。之。謂。乎。二。翁。耽。老。氏。之。言。繼。少。卿。之。作。
文。以。述。大。雅。道。以。通。至。精。卷。舒。天。地。之。心。脫。落。神。仙。
之。境。武。陵。遺。跡。可。得。而。窺。焉。問。津。利。往。水。引。漁。者。花。
藏。仙。谿。春。風。不。知。從。來。落。英。何。許。流。出。石。洞。來。入。晨。
光。盡。開。有。良。田。名。池。竹。果。森。列。三。十。六。洞。別。爲。一。天。
邪。今。扁。舟。而。行。笑。謝。人。世。阡。陌。未。改。古。人。依。然。白。雲。
何。時。而。來。歸。青。山。一。去。而。誰。往。諸。公。賦。桃。源。以。美。之。
灤陽灤水貞義女碑銘

皇唐某有六聖再造八極鏡照萬方幽明咸熙天秩
有禮自古及今君君臣臣烈士貞女采其史傳名節
古文奇賞 卷十六

尤彰可激清頹俗者皆掃地而祠之蘭蒸椒漿歲祀
罔缺而茲邑貞義女光靈翳然埋名古遠琬琰不刻
豈前修博達者爲邦之意乎貞義女者灤陽黃山甲
史氏之女也以家灤陽史闕書之歲三十不移其志
清英潔白事母純孝手柔荑而不龜身激漂以自業
當楚平王時王虐忠助讒苛虐厥政芟于尚斬于奢
血流于朝赤族伍氏怨毒于人何其深哉子胥始東
奔勾吳月涉星逝或七日不火傷弓于飛逼迫于昭
關匍匐于灤渚捨車而徒告窮此女目色以臆授之
壺漿全人自沈形與口滅卓絕千古聲凌浮雲激節

稔戶而彌
六合隨山
六合隨山

天地安得不言而知乎敢剖心析肝論舉身之事便
當談笑以明其心而粗陳其萬一悒快憤懣惟君侯
察焉白家本金陵世爲右姓遭沮渠蒙遜之難奔流
咸秦因官寓家少長江漢五歲誦六甲十歲觀百家
軒轅以來頗得聞矣常橫經籍詩書制作不倦迄于
今三十春矣以爲士生則桑弧蓬矢射于四方故知
大丈夫必有四方之志乃仗劍去國辭親遠遊南窮
蒼梧東涉溟海見鄉人相如大誇雲夢之事云楚有
七澤遂來觀焉而許相公家見招妻以孫女便憇跡
于此至移三霜焉曩昔東遊維揚不逾一年散金三
古文奇賞 卷十六

十一

爲華誘放
白詳其生

十餘萬有落鬼公子悉皆濟之此則是白之輕財好
施也又昔與蜀中友人吳指南同遊于楚指南死于
洞庭之上白禪服動哭若喪天倫炎月伏屍泣盡而
繼之以血行路聞者悉皆傷心猛虎前臨堅守不動
遂權殯于湖側便之金陵數年來觀筋肉尚在白雪
泣持刃躬申洗削裹骨徒步負之而趨寢興攜持無
輟身手遂巧貸營墓于鄂城之東故鄉路遠鬼鬼無
主禮以遷窆式昭朋情此則是白存交重義也又昔
與逸人東巖子隱于岷山之陽白巢居數年不跡城
市養奇禽千計呼皆就掌取食了無驚猜廣漢太守

聞而異之。詣盧親觀。因舉二人以有道。並不起。此則
白養高忘機不屈之跡也。又前禮部尚書蘇公出爲
益州長史。白於路中投刺。待以布衣之禮。因謂郡寮
曰。此子天才英麗。下筆不休。雖風力未成。且見專車
之骨。若廣之以學。可以相如。此肩也。四海明識具知
此談。前此郡督馬公朝野豪彥。一見盡禮。許爲奇才。
因謂長史李京之曰。諸人之文。猶山無烟霞。春無草
樹。李白之文。清雄奔放。名章俊語。駱驛間起。光明洞
徹。何以盡陳。儻其賢賢也。白有可尚。夫唐虞之際。於
斯爲盛。有婦人焉。九人而已。是知才難不可多得。白

古文奇賞 卷十六

十一

野人也。頗工於文。惟君侯顧之。無按劔也。伏願君侯
貴而且賢。鷹揚虎視。齒若編貝。膚如凝脂。昭昭乎若
玉山之行。朗然映人。而高義重諾。名飛天京。四方諸
侯。聞風暗許。倚劔慷慨。氣于虹霓。月費千金。日宴羣
客。出躍駿馬。入羅紅顏。所在之處。賓客成市。故時人
歌曰。賓客何喧喧。日夜裴公門。願得裴公之一言。不
須驅馬埒華軒。白不知君侯何以得此聲於天壤之
間。豈不由重諾好賢。謙以下士得也。而晚節改操。棲
情翰林。天才超然。度越作者。屈佐鄖國。時惟清哉。稜
威雄雄。下留羣物。白竊慕高義。已經十年。雲山間之

造謁無路今也。運會得趨末塵，承顏接辭八九度矣。常欲一雪心跡，崎嶇未便，何圖誘言忽生，衆口攢毀。將恐投杆下客，震于嚴威，然自明無辜，何憂悔吝。孔子曰：畏天命，畏大人，畏聖人之言。過此三者，鬼神不害。若使事得其實，罪當其身，則將浴蘭沐芳，自屏于烹鮮之地。惟君侯生歎不然，投山竄海，轉歛溝壑，豈能明目張膽，託書自陳邪？昔王東海問犯夜者曰：何所從來？答曰：從師受學，不覺日晚。王曰：吾豈可鞭撻甯越，以立威名，想君侯通人，必不爾也。願君侯惠以大愚，洞開心顏，終乎前愆，再辱英眊，白必能使精誠動天，長虹貫日，直度易水，不以爲寒。若赫然振威，加以大怒，不許門下逐之長途，自卽膝行于前，再拜而去。西入秦海，一觀國風，永辭君侯黃鶴舉矣。何王公大人之門，不可以彈長劍乎。

任城縣廳壁記

風姓之後國爲任城。蓋古之秦縣也。在禹貢則南徐之分，當周成，廼東魯之邦。自伯禽到，千順公三十二代，遭楚蕩滅，因屬楚焉。炎漢之後，更爲郡縣。隋開皇三年，廢高平郡，移任城于舊居邑。乃屢遷井，則不改。魯境七百里，郡有十一縣，任城其衝要東盤瑯琊，西

對仗中生
氣勢筆方
而能圓至
巧也

控鉅野。北走厥國。南馳互鄉。青帝太昊之遺墟。白衣
尚書之舊里。土俗古遠。風流清高。賢良間生。淹映天
下。地博厚。川踈明。漢則名主。分茅魏則天人。列土所
以代變。豪侈家傳。文章君子。以才雄。自高。小人則鄙
朴難治。况其城池爽塏。邑屋豐潤。香閣倚日。凌丹青
而欲飛。石橋橫波。驚彩虹而不去。其雄麗映北。有如
此焉。故萬商往來。四海綿歷。實泉貨之豪。簫爲英髦
之咽喉。故資大賢。以主東道。製我美錦。不易其人。今
鄉二十六戶。一萬三千三百七十一。帝擇明德。以賀
公宰之。公溫恭克修。儼頌有立。李野備四時之氣。士

古文奇賞

卷十六

十三

元非百里之才。撥頰彌閑。剖劇無滯。鎬百發克破。於
楊葉。刀一鼓必合。於桑林。寬猛相濟。弦韋適中。一之
歲。肅而教之。二之歲。惠而安之。三之歲。富而樂之。然
後青衿向訓。黃髮侵禮。耒耜就役。庶無游手之夫。杼
軸和鳴。機杼頤蛾之女。物不知化。陶然自春。權豪鈿
縱暴之心。黥吏返淳和之性。行者遜於道路。任者併
於輕重。扶老攜幼。尊尊親親。千載百年。再復魯道。非
神明博遠。孰能契於此乎。白探奇東蒙。竊聽輿論。輒
記于壁。垂之將來。俾後賢之操刀。知賀公之絕迹者
也。

景誌事

位得波雲
子頌

山中與裴秀才廸書

王維

是此人說
此語何人
言之便無
味

近臘月下景氣和暢故山殊可過足下方溫經猥不
敢相煩輒便往山中憇感配寺與山僧飯訖而去北
涉玄灞清月映郭夜登華子岡輞水淪漣與月上下
寒山遠火明滅林外深巷寒犬吠聲如豹村墟夜春
復與疎鐘相聞此時獨坐僮僕靜默多思曩昔携手
賦詩步仄逕臨清流也當待春中草木蔓發春山可
望輕儵出水白鷗矯翼露濕青臯麥隴朝雉斯之不
遠倘能從我遊乎井子天機清妙者豈能以此不悉
之務相邀然是中有深趣矣無忽因賦黃蘗人往不
古文奇賞 卷十六 十四

一山中人王維白

輞川其處輞水如車縛頭因以得名右丞篤志奉
佛妻死不再娶潔居逾三十載母夫人卒表宅爲
寺今冢墓在寺之西南隅○維弟縉進集表云文
辭立身行之餘力當官堅正秉操孤直縱居要劇
不忘清靜實見時輩許以高流
爲崔常侍祭牙門姜將軍文

維大唐開元二十五年歲次丁丑十一月辛未朔四
日甲戌左散騎常侍河西節度副大使攝御史中丞
崔公致祭於故姜公之靈嗚呼天子命之建旗西門

宿戰場文

又太悲矣

被謝爲笑

驚爲心事

長天積雪

讀此文

帶甲十萬、鐵騎雲屯、橫挑強胡、飲馬河源、嗟爾永健、
表爲牙門、牙伊何全、齊大族四方、有事誓成、鳴轂
前有血刃、後有飛鏃、其氣益振、大呼馳逐、翩翩白馬
象弧雕服、戈春其喉、矢集其目、嗚呼天下無事、今上
好文爾有餘勇、莫敢邀勳、腰鞬白首、蹉跎塞雲、歟于
裨將誰統、前軍家本、秦人靈車、東驚長天、積雪邊城
欲暮、麾下行哭、前旌抗路、身有寶劍、不佩而去、轅有
代馬、悲鳴踟顧、嗚呼我誠軍吏、令送爾歸、旣素我服、
亦朱其衣、黜虜未滅、壯士長辭、牢體以祭、太息歔歔、
尚饗

古文奇賞 卷十六

十五

暮春太師左右丞相諸公於韋公逍遙谷讌集

序

山有姑射人、蓋方外地、有蓬瀛地、非宇下逍遙谷、天
都近者、王官有之不廢、大倫存乎小隱、跡崆峒而身
拖朱紱、朝承明而暮宿青靄、故可尚也、先天之君、俾
人在宥、懽心格於上帝、喜氣降爲陽春、時則有若太
子太師徐國公、左丞相始興公、少師宜陽公、少保崔
公、特進鄧公、吏部尚書武都公、禮部尚書杜公、賓客
王公、黼衣方領、垂璫珥筆、詔有不名、命無下拜、黜天
工者、坐而論道、掌邦典者、官司其方、相與察天地之

驚山幽而
初轉花令
恣而將明

和人神之泰聽于朝則雅頌矣問于野則賡歌矣
曰猗哉至理之代也吾徒可以酒合讌樂考擊鐘鼓
退于彤庭撰辰擇地右班劍驂六駒畫輪載轂羽幢
先路以詣夫逍遙谷焉神臯藉其綠草驪山啓于朱
戶渭之美竹魯之嘉樹雲出於棟水環其室灞陵下
連乎菜地新豐半入于家林館層巖檻側逕師古節
儉惟新丹堊巖谷先曙羲和不能信其時芳卉後春
勾芒不能一其令桃逕窈窕蘅臯起忽驂御延佇于
叢薄珮玉昇降于蒼翠于是外僕告次獸人獻鮮鱗
以大罍烹用五鼎木器擁腫卽天姿以爲飾沼毛蘋

古文奇賞

卷十六

十六

繫在山羞而可薦冷人在位曼姬始穀齊瑟慷慨于
座右趙舞徘徊于白雲袞旒松風珠翠烟露日在蒙
汜羣山夕嵐猶且濯纓清歌據梧高咏與松喬爲伍
是羲皇上人且三代之後而其君帝舜九服之內而
其俗華胥上客則冠冕巢由主人則兄弟元凱合是
四美同乎一時廢而不書罪在司禮竊思楚傳常詣
茅堂之居仰謝右軍忽序蘭亭之事蓋不獲命豈曰
能賢

京兆張公德政碑

晉魏以承
廟雜唐則
整宋以後
澆漓

唐則

厚若王制
川劉寶客
貴帶詞致
入手發入
口逸而渾
顯自在

夫京兆號為難理清淨病於不給刀筆拘于守文或
以輒弱廢或以賊殺劾把宿負淺為丈夫用鉤距蓋
非長者我則異於是大道難名大理無法閉關于任
數巧算不能知堅壁于蓋一善攻不能下摧宿豪如
薙草無愠色視大權如塵塊無傲容百司之吏總一
德以咸服五方之人雜異教而同理受命之始先聲
已振黠吏惡少聞風族行及乎鳴驢詣府登堂坐定
縣尹掾吏以次上謁守正之人其氣高含章之人其
詞大見容色而聞號令小人感而君子泰日者櫟陽
古文奇賞 卷十六 十七

男子閭里為豪借客報仇聚人為盜或白日手刃或

行大有谷波芝耕之意

黃塵袖鎧政寬則以身先諸偷操急則以事中長吏
貳過不已萬計自脫公命吏縛之立歛鈴下于是人
入閭室若遇大賓焉前年不登人額太甚野無遺糠
路有委骨天子不忍征于不粒賦於無衣六軍侍衛
以臨東諸侯息關中也帝曰吞天其降威人罔畏罪

台恐寇盜乃邑矧曰蕩析離居惟爾克濟撫茲西土
公拜稽首思塞休命布慈惠之政不以利淫震雷霆
之威其或有過饗人減雙雞之膳闔人省五馬之秣
淘不獻服巧不填館自身已往振廩同食雖人煙不

動道體相望。不惡濫以苟生。咸守教以就茲。是不可
能也。先是王公或專南山之利。司農涸昆明之池。收
赤岸澤。將爲田。以便官。至是悉奏罷之。舟漁衡麓之
守。廢蒲荷薪蒸之產。入自郊徂。邑室有漁餐。斬陰伐
陽市。多山木。人得以贍。惟涇有防。比歲多決。近縣疲
于力役。他山遺于度材。公命刮朽壤。填巨石。辯大木
去。編管其始告勞。乃終有慶。匠石目滅。功萬藏。史曰
省錢億。農始學耒。女始安織。于是鮪背黃髮之者曰
我有田疇。鍾秉其畝。我有子弟。顏閔其行。鄉黨以睦
俾失其獨。道路有禮。汰無與爭。酒先養老。賄不問吏。

古文奇賞

卷十六

十八

既無吠狗。亦無奸人。臨年餘。資竊蒙惠。化其曷以臻。
茲君子曰。此天子至公內舉。不避親錫。汝明尹張公
之力也。且公之德升聞于天。非一朝一夕之漸也。亦
以稱職于累官。著聲于所在。其丞祕書也。關文遺簡
多在。大家深爲子孫之藏。密有緘。滕之固。公不憚權
貴。或抵或誘。盡歸天閣。官書備焉。其牧郢人也。人有
不若德。戮之不爲暴。人有不保居。撫之不爲誦。存者
考其事。壯者食以畜之。行者緝其宮。藝其樹。以待之。
此邦之人。旣優他邦之人。又至焉。未盈一歲。遂增萬
戶。其守汾也。仍歲大旱。郡祠介推。雖屢舞。僊僊而靈。

崔祐甫頌

燕州張公

曰百類千

品周聲奪

魄又曰荷

蕪管衍揚

之無度侵

車肆奪之

不改是國

家以尊殺

印璽毒若
室也

觀禹錫領
獨高陵令
曰承徒謹
呼春發而

應未若公命束蘊取火伐樹寘薪醜酒而祝曰有功
于人祀爲明神無德而祿禍亦覆餗自絳以來人之
祀子純犧大璧不敢愛必以薦也童兒季女不敢愛
必以敬也神旣靡咎人將安仰若亭午而雨則樹其
鶯羽執此駢毛不然者火燎將至炊天儼地靈衣且
爲煨燼豐屋將爲茂草爾其圖之言未畢而雲興拜
未起而雨降周於闔境不入他郡雖封疆咫尺而彼
竭我盈嘻若記能事載盛德渭川之竹不足簡終南
之木不足軸夫訓人至于禮義曰德安人免于阽危
曰功德者上賞于上下頌于下長老孜孜願刊於石

古文奇賞 卷十六

十九

以予學于舊史求卽我謀且維與人編戶與人爲伍
與人出入與人言語知風俗之淳弊識政化之原本
屬詞媿文書事蓋實

觀公孫大孃弟子舞劍器行序

唐杜 甫

大曆二年十月十九日夔州別駕元特宅見臨穎李
十二孃舞劍器壯其蔚踈問其所師曰余公孫大孃
弟子也開元三載余尚童稚記余郾城觀公孫氏舞
劍器渾脫瀏離頓挫獨出觀時自高頭宜春梨園二
伎坊內人洎外供奉曉是舞者聖文神武皇帝初公
孫一人而已玉貌錦衣况余白首今茲弟子亦匪盛
顏旣辭其由來知波瀾莫二撫事慷慨聊爲劍器行
昔者吳人張旭善草書書帖數常於鄴縣見公孫大
古文奇賞 卷十六 二十

孃舞西河劍器自此草書長進豪蕩感激卽公孫可知矣

昔有佳人公孫氏一舞劍器動四方觀者如山色沮
喪天地爲之久低昂燿如羿射九日落矯如羣帝驂
龍翔來如雷霆收震怒罷如江海凝清光絳唇朱袖
兩寂寞晚有弟子傳芬芳臨穎美人在白帝妙舞此
曲神揚揚與余問答旣有以感時撫事增愴傷先帝
侍女八千人公孫劍器初第一五十年間似反掌風
塵傾洞昏王室梨園弟子散如煙女樂餘資映寒日
金粟堆南木已拱瞿塘石城草蕭瑟玳筵急管曲復

終樂極哀來月東出老夫不知其所往足蘭荒山轉
愁疾。

唐故德儀贈淑妃皇甫氏神道碑銘

積氣之清積陰之靈漢曲廻月高堂麗星驚濤洶洶
過雲冥冥洗滌蒼翠誕生娉婷婉彼柔惠迥然開
爽綢繆之故昔在明兩恩渥未渝康哉大往展如之
媛孰與爭長珩珮是加翬楡克備先德後已累功
居位壺儀孔修宮教咸遂王子獎飾禮亦尊異小
苑春深離宮夜逼花間度月同輦未歸池畔臨風焚
香不息嗚呼變化惠好終極馮相視視太史書氛

此碑駢馬
鄭潛撰托
子美作片
云甫恭鄭
莊之賓各
游實生之
園林以白
頭之穉阮
豈獨步干
律蒸而時
老何知斯
文見元

古文奇賞

卷十六

二十一

藏舟晦色逝水寒文翠幄成彩金爐罷燻燕趙一馬
蕭湘片雲恍惚餘跡蒼芒具美王子囹除匪他之
恥公主愁思永懷於彼日居月諸丘壠荆杞巖巖
禹鑿瀾瀾伊川列樹拱矣豐碑歸然爰謀作述歛就
彫鏤金石照地蛟龍下天少室東立繚垣西走佛
寺在前宮橋在後維山有麓與碑不朽維水有源與
詞永久

以詩賦爲文章王摩詰杜子美

後漢賊臣董卓廟議

唐高適

高郢之議
亦也尚曰

知其不序
是以成康祗
樂僭周公

魯矣

昔漢祚凌夷。桓靈棄德。宦官用事。國步多艱。宗社有
綴旒之危。宦臣非補袞之具。董卓地兼形勝。手握兵
鈐。顛而不扶。禍則先唱。典晉陽之甲。君側未除。入洛
陽之宮。臣節如掃。至乃發掘園寢。逼辱嬪妃。太后之
崩。豈稱天命。弘農之廢。孰謂人心。敢諷朝廷。以自尊
貴。大肆剽虜。以極誅求。焚燒都邑。馳突放橫。衣冠凍
餒。倚灰墻壁之間。兆庶困窮。生塗草莽之上。於是天
地憤怒。鬼神號哭。而山東義旗。攘袂爭起。連州跨郡。
皆以誅卓為名。故兵挫於孫堅。氣奪於袁紹。僭擬興

古文奇賞

卷十六

二十一

亦不必說
到此其文

故象

服黨助奸邪。驅威東人。魯帝西幸。淫刑以逞。有湯鑊
之甚。要之糜爛。剗別異端。乃謂漢鼎可移。郿塢方盛。
殊不知禍盈惡稔。未或不亾。故神贊允誠。天假布手。
母妻屠戮。種族無留。懸首然臍。遺臭萬代。骨肉灰燼。
不其快哉。今狄道之人。不慚卓之不臣。而務其為鬼。
苟斯鬼足尚。則漢莽可得而神。晉敦可得而廟。桓玄
父子。可享于江鄉。爾朱弟兄。可祠于朔上。嗟乎仁賢
之鬼。寂寞於丘陵。義烈之鬼。沈埋於泉壤。何馨香之
氣。而用于暴悖之鬼哉。適竊奉吹噓。庇身戎幕。每承
餘論。飽識公忠之言。不遠下風。盡知仁義之本。昨忝

高會敬受德音。今具賊臣之事。悉以條上。謹按尚書
王者望秩天地之神祇。諸侯祭境內之山川。亂臣不
言淫祀。無取則董卓之廟。義當焚毀。

古文奇賞

卷十六

二十三

甲楷法有聞。頗齊刀筆之吏。象形自業。偏在寫書之官。不能殺竹。惟青臨池。盡黑當年。有立應已盈裾。計日不移。無慚尺牘。今乃字詁是事。日課有違。左氏門庭。雖多筆硯。稚川史籍。不滿巾箱。曾莫負于五車。徒見司于雙管。以是會意。雖則磨肱。不能中程。何爲當理。今之簿訴。將俟片言。欲遲單父之書。須辨洛陽之紙。然則類之大小。猶或可問。刑之出入。于是乎在。

謝加金吾表曰。想峩肩之碧峰。豫遊西蜀。追綠耳於玄圃。保壽南山。逆賊祿山。戮辱黎獻。羶臊闕庭。

臣被圍七旬。親經百戰。主辱臣死。當臣致命之時。惡稔罪盈。是賊滅亾之日。又激厲將士。賦詩曰。接戰春來苦。孤城日漸危。合圍侔月暈。分守若魚麗。屢厭黃塵起。時將白羽揮。裹瘡猶出障。飲血更登陴。忠信應難敵。堅貞諒不移。無人報天子。心計欲何施。又夜聞笛詩曰。峩峩庶一臨。虜騎俯城陰。不辨風塵色。安知天地心。營開星月近。戰苦陣雲深。旦夕高樓上。遙聞橫笛吟。

此公筆下
大異

古漁父

唐 劉 蛻

叟行山逐禽而逢虞人虞人反以罟而獵叟欺虞人以事鬼神而得逸他日叟之子壯聞山而讐獵吾父者曰今日凡在山澤殺無赦虞人必于大澤虞之父教之以漁漁利厚于罟末之年富於澤上反聞叟將殺其子于帝側帝教之以漁天下天下之利厚于陶稼末之年富於九州漁者常以此自笑而聞于士師士師以法執之漁者對曰始臣學漁不學笑天下而天下入臣笑舜聞之亦曰始朕學事叟不學受天下禪而天下禪朕

古文奇賞 卷十六

十五

蘭語

古今作者
如此滋味
却少

晦冥之後漁者啼而奔帝辛曰始風微水上魚聚臣舟臣垂之十鉤魚方眠臣鉤未及吞而雷驚臣舟夫雷不發而震盍戮于變理者辛應曰爾不得魚市不關魚亦殷人得魚耳夫多魚而垂之十鉤魚必爭而且威後其餌然而猶相與眠其鉤豈非君其餌薄乎何戮之有微子自旁聞之亦曰殷餌薄矣臣不受戮殷民驚矣抱祭器而入周

嬴秦論

無有天下而不知秦之焚書也無世而不謂不用聖人之道所以亾也嗚呼秦亾自亾也安能焚書為秦

言空圖始
秦坑曰秦
儒及儒厥
民新詰秦
儒既坑厥
祀隨覆天
後儒仇儒
祀而家秦
坑儒即儒
坑秦耶

若非劉公
筆性此論
幾宋儒矣

匹耳天下不用秦如聖人之道故秦不得其道而用也當其時天下一家而尊已外無非心之人故深法禁人之惡也則不當去法以禁人之善是則果習天下之離心而背已也豈秦區區之心歟蓋天必以秦之強暴非大敗無以叛其四海之心故先絕其事君敬長之術而後從天下以亾其天下焉夫天與秦則書存不與秦則書焚而秦終無自焚之心也且聖人宮先自藏其書是秦未始有焚書之心聖人之家先有其心矣故曰秦亾其自亾矣且聖人之道與天地合其久與鬼神合其微則不得毀置之在秦也然矣

古文奇賞 卷十六

禹書上

以功不就而受誅則可謂勤民而戒乎曰不然然則夏之郊也奚不尋其先安得以鯀配曰以功不就則可謂勤民而死也以誅其身則可謂勤其家也不怨君誅而尋父功鯀當誅也傳曰不以家事辭王事既

其家為天下。故報其勤家于夏郊而已矣。有鮓之誅而不廢其功。禹為其子也不得以天下而擇其功者。禹為之事鬼神也。微禹之為子。先人之罪。將不食矣。故其子之功。由勤父嗣也。然則夏郊宜矣。于是君誅其怠也。而子不怨其家。祭其勤也。民神弗畔。蓋禹以天下不逮事其父。而致季乎鬼神云。

梓州兜率寺文冢銘

并序

文冢者。長沙劉蛻復愚為文。不忍棄其草。聚而封之也。蛻愚而不銳於用。百工之技。天不工蛻也。而獨文蛻焉。故飲食不忘于文。晦冥不忘于文。悲戚怨憤疾

古文奇賞

卷十六

二十七

病嬉遊。羣居行役。未嘗不以文為懷也。適當無事而天下將以文為號。文明代生。殖明晦。皆教文用。故日月星辰。文乎旂常。昆蟲鳥獸。文乎彝器。徐方之士。文于侯社。夏翟之羽。文於旌旄。登龍于章。升王于藻。百工婦人。彫礪涂凍。以供宗廟祭祀之文。豈獨蛻也。生知效用不及時文哉。然而意常獲助於天。而不獲助于人。故其雖窮無憾也。常勤意之時。不敢嚏。不敢咳。不敢唾。不敢跂。倚耆欲。躁競忘之于心。其祗祗畏。畏如臨上帝。故有粲如星。光如貝。氣如蛟。官之水。又有黯如屯雲。如久陰。如枯腐。熬燥之色。則有如春陽如

華川透迤迤則有如海運如震怒動蕩怪異夫十
爲文不滿不如意少如意則豈非天助乎常欲使天
下聞之而必行觀之而必蹈散之茫洋以爲道演之
浸淫以及物然後爲農文之使風雨以時兵文之使
戎虜以順文于野文于市使其所隱之士以出口者
使之言材者使之用然而自振者無力終知者甚稀
豈非不獲人助乎嗚呼十五年矣實得二千一百八
十紙有塗者乙者有注楷者有覆背者有朱墨圍者
于是以周易筮之遇復 震下坤上 之同人 離下乾上 筮者

日鳴於地中殷殷隆隆七日而復復來而天下昭融

古文奇賞 卷十六 二十八

乎他日更召龜而合將聽襲吉卜于火如秦兆惟曰
不吉卜於水不成乎河洛兆則亦惟日不吉卜于木
而悶悶土協吉繫繫爲冢則汲之兆乎峭峭爲壁則
魯之兆乎且其占曰土之文爲山河爲華夷將不崩
不竭爲滋味而傳乎結爲丘陵爲其設險乎融爲川
瀆率其朝宗乎華爲百穀以絜祭祀之粢盛乎不然
使其速腐爲墟壤生芻藁以食牛羊乎化塗泥爲淘
甄以作器乎將塊爲五色而茅社分封乎流于樂爲
土鼓爲由桴以洩其和聲乎夷爲都邑以興宮廟乎
坎爲洿池以澤生殖乎祀爲壇竈乎窾爲井墓乎吾

聖惡文字
百如此處
置但恐惡
務不化耳

死不以文
媚其人絕
無媚骨可

皆不得而知也。當既不為吾用，唯造化為百工之用。慎無朽為芝菌，以怪人自媚。慎無至為金鐵，以行貨。起爭慎無滴為醴泉，以味乎諂口。慎無禱為城社，以狐鼠憑妖。慎無聳為良材，以雌斷傷性。慎無萌為蘭。菑以佩服見藝，嗚呼介而為石使之能言，舒而為幘使之飲泉。既而他年遊竟之未返者，亦命巫師而弔。三招之號，口在几閣而來歸兮，掩為塵垢在耳目而來歸兮，奄視汝醜在口吻而來歸兮。譽不汝久，噫筆絕之年而麟見，崇文其無崇乎。哈非珠玉斂無裙襦。後世詩禮之儒，無驚吾之幽墟，其冢也在莽蒼之野。

古文奇賞 卷十六

二十九

大塊之丘。時有唐大中丁卯而戊辰之季，秋銘曰：文乎文乎，有鬼神乎。風水惟貞，將利其子孫乎。

與京西幕府書

漢武帝聞子虛賦，初恨不與相如，同時既而復喜其人之在世也。若然者，居蓬蒿而名聞之于天子，富貴固不足疑其來，爵土固不足畏其大。今按其本傳云：官則止於使者，居家初則甚貧，嗚呼有才如相如者，好才如漢武帝，然而不達者，蛻知之矣。于時武帝以四境為心中，國耗弱，爵土酬于謀臣，金帛竭于戰士。雖念一篇之子虛，固不能減十夫之口食，宜矣。蛻也。

不愧第一

說嘗謂歸

天有南無

可置其門

雖天有東

不得開其

序又曰不

得于人必

有得于鬼

神今則力

疲而天下

笑日暮而

聊舍附

生值當時天下無事以文爭勝得居第一獨蛻居家

甚困白身過于相如者蓋無人先聞子虛于天子今

又不然使有聞之于藩翰大臣則其人自不廢棄老

疾者也嗚呼時異矣事古矣相如之時雖過天子不

能致富貴于今之時遇藩翰大臣則足以叙材用伏

惟執事以文學顯用士之得失無不經于心謂小生

之言何如哉

古文奇賞

卷十六



此全備
笑日暮而
聊舍附
神今則力
疲而天下
笑日暮而
聊舍附
得于人必
有得于鬼
神今則力
疲而天下
笑日暮而
聊舍附
能致富貴
于今之時
遇藩翰大
臣則足以
叙材用伏
惟執事以
文學顯用
士之得失
無不經于
心謂小生
之言何如
哉

時議上篇

唐元結

奇江海徵
還獻議三
篇

次山文凝
然如山而
烟雲自起

天子往年。悲恨陵廟。爲凶逆傷。汗怨憤。上皇忽南幸。巴蜀哀傷。宗戚多見誅害。驚惶聖躬。動息無所。是以勤勞不辭。親撫士卒。與人權位。信而不疑。渴聞忠直。過則善改。如此所謂以弱制強。以危求安。今天子重城深宮。燕私而居。冕旒清晨。纓佩而朝。太官具味。當時而食。太常修樂。和聲而聽。軍國機務。叅詳而進。萬姓疾苦。時或不聞。而廐有良馬。宮有美女。輿服禮物。日月以備。休符佳瑞。相繼而有。朝廷歌頌。盛德大業。四方貢賦。尤異品物。公族姻戚。喜荷帝恩。諧臣戲官。

古文奇賞

卷十六

三十一

怡愉天顏。而文武大臣。至于公卿。庶官皆權位。爵賞名實之外。似已過望。此所以不能以強濟弱。忍以未安忘危。若天子能視今日之安。如靈武之危。事無大小。皆若靈武。何寇盜強弱可言。當天下曰無事矣。

時化

元子聞浪翁說化化無窮極。因論諭曰。翁亦未知時之化也。多於此乎。曰。時焉。何化我未之記。元子曰。於戲。時之化也。道德爲嗜慾。化爲險薄。仁義爲貪暴。化爲凶亂。禮樂爲耽淫。化爲侈靡。政教爲煩急。化爲苛酷。翁能記于此乎。時之化也。夫婦爲溺惑。所化。化爲

平直中多一折

化到聲容
微乎微矣
斯字作將
相其小者
耳

化得奇極
坤化化
常聲極
不忍聞

犬豕。父子為憍慾所化。化為禽獸。兄弟為猜忌所化。化為讐敵。宗戚為財利所化。化為行路。朋友為世利所化。化為市兒。翁能記于此乎。時之化也。大臣為威權所恣。忠信化為姦謀。庶官為禁忌所拘。公正化為邪佞。公族為猜忌所限。賢哲化為庸愚。人民為征賦所傷。州里化為禍邸。姦凶為恩幸所迫。廝卑化為將相。翁能記于此乎。時之化也。山澤化為井陌。或曰。盡于草木。原野化為狴狴。或曰。殫于鳥獸。江湖化為鼎鑊。或曰。暴于魚鼈。祠廟化為宮寢。或曰。斲於祀禱。翁能記于此乎。時之化也。情性為風俗所化。無不作徂。

古文奇賞 卷十六

三十二

世化

浪翁聞元子說時化。歎曰。吾昔聞世化。可說。又異于此。昔世之化也。天地化為斧鑕。日月化為豺虎。山澤化為州里。草木化為宗族。風雨化為邸舍。雪霜化為衣裘。呻吟化為常聲。糞污化為梁肉。一息化為千歲。烏大化為君子。元子惑之。浪翁曰。子不聞往昔世之化也。四海之內。巷戰門鬪。斷骨腐肉。萬里相藉。天地

運呼人民
或可制否

不僧不腐
如何可化

學奴教婢
假癩言罵
人忘毒矣
元子有所
賦

非斧鑕也邪。人民暗夜盜起求食晝遊則成傷相及
日月非豺虎也邪。人民相與寄身命于絕崖深谷之
底始能聲呼動息山澤非州里也邪。人民奔走非深
林蒼叢不能藏蔽。師木非宗族也邪。人民去鄉國入
山海千里一息方盡。暫休風雨非邸舍也邪。人民相
持于成傷之中。裸露而行霜雪非衣裘也邪。人民勞
苦相寃瘡痍相痛老弱孤獨相苦。死亡不相救呻吟
非常聲也邪。人民多饑餓溝瀆病傷道路糞污非梁
肉也邪。人民奔亡潛伏戈矛相拂前傷後成免而存
者一息非千歲也邪。僵王腐卿相枕路隅鳥獸讓其
骨肉鳥大非君子也邪。

癩論

元子天寶中曾預譏手諫議大夫之座酒盡而無以
續之。大夫歎曰諫議冗者貧無以繼酒嗟哉。元子醉
中議之曰大夫頗能用一謀合大夫尊重如侍中威
權等司隸何若。大夫問謀對曰得癩婢一人在人主
左右以癩言先諷則可請有所說。大夫不聞古有節
侯侯家得癩婢寐則癩言言則侯輒鞭之如是一歲
婢寢如故侯無如婢何有夷奴每便勞辱癩則假癩
其言似不怨主而若忠信侯聞問之則曰素有癩病

古文奇賞

卷十六

三十三

李商隱序

其文所謂

危苦激切

悲憂酸傷

清也

寐中寤言非所知也。引寤如自辨辭說云云。侯疑學
 婢鞭之不止。髡之鉗之。奴寤愈甚。奴于是重窺侯意。
 先是寤說說侯之過。警以禍福。侯又無如。奴何客有
 知侯禍機。因寤奴之先。扣侯門。諫侯以改過免禍。侯
 納客為上賓。復其奴命。之曰。寤良氏子孫世在于郤。
 大夫誠能學奴。效婢假寤言。以規諫人主。俾悔過追
 悞。與天下如新。大夫見尊重。威權何止待中司隸。大
 夫乃歎曰。嗚呼。吾謂今之士。君子曾不如郤侯夷奴
 耶。

送譚山人歸雲陽序

古文奇賞

卷十六

三四

吾於九疑之下。賞愛泉石。今幾三年。能扁舟數千里。
 來遊者。獨雲陽譚子。譚子文學隱名。山野隱身。雲陽
 之阿世。如君何。牧犢愛雲陽之宰峻。公不出南岳三
 十年。今得雲陽一峯。下况譚子又在焉。彼真可家之
 者。耶。子去為吾謀。于牧犢近峻。公有泉石老樹。壽藤
 縈垂。水可灌田。一夫火可燒種。故粟近泉。可為十數
 間茅舍。所諧纔通小船。吾則往而家矣。此邦舜祠之
 奇怪。陽華之殊異。漣泉之勝絕。見峻公與牧犢嘗一
 二說之。松竹滿庭。水石滿堂。石魚負樽。鳧舫運觴。醉
 送譚子歸於雲陽。漫叟元次山序。

元于胸中
頃有浩浩

唐亭銘 并序

孫樵傳奇
此二銘然
楓笏銘大
奇

然後亭得
而清之

浯溪之口有異石焉高六十餘丈周圍四十餘步面
在江口東望浯臺北臨大淵南枕浯溪唐亭當乎石
上異木夾戶疎竹傍簷瀛洲言無由此可信若在亭
上目所厭者遠山清川耳所厭者水聲松吹霜朝厭
者零雨方暑厭者清風於戲厭不厭也厭猶愛也命
曰唐亭旌獨有也銘曰功名之位貴得萌土林野
之客所耽水石年將五十始有吾亭愜心自適與世
忘情亭傍石上篆刻此銘

浯溪銘

古文奇賞 卷十六

三五

沿溪在湘水之南北匯于湘愛其勝異遂家溪畔溪
世無名稱治余自愛之故命之曰浯溪銘曰 湘水
一曲淵洞傍山山開石門溪流潺潺山開如何巉巖
雙石臨淵斷崖隔溪絕壁山石殊怪石又尤異吾欲
求退將老茲地溪古地荒蕪沒已久命曰浯溪旌吾
獨有人誰游之銘在溪口

丹崖翁宅銘 并序

呂溫龍州
三堂記石
手引事子
左手抱琴

零陵瀧下三十里得丹崖翁宅 丹崖俗曰 有唐節者
赤石國

曾為瀧水令去官家於座下自稱丹崖翁丹崖湘中
水石之異者翁湘中得道之逸者愛其水石為之作

書於老下
以成就

銘銘曰 龍未未盡瀧水猶峻忽見淵洞丹涯千仞
礚礚丹崖其下誰家門前斷船籬上鈎車不知幾峰
爲其四牖竹幽石登飛泉戶中怪石臨淵硯硯石巔
翁獨醉眠吾欲與翁東西茅宇飲啄終老翁亦悅許
世俗常事阻人心情徘徊岩下遂刻此銘

中書政事堂記

唐李華

得元與御
之臺中書
院託大臣
由公相已
下皆屏氣
竊息注萬
目于吾曹
又云既寓
于小胥我
實客也每
亡事而去
則主人必
全而入諱
諱狼籍其
態萬變向
之霜稜盡
為涕唾矣
李華御史

大夫堂記
政之雄雄
疏德輕重

古今有數
漢文堂

政事堂者自武德已來常於門下省議事謂之政事堂故長孫無忌起復授司空房玄齡授左僕射魏徵授太子太保皆知門下省事至高宗光宅元年裴炎自侍中除中書令執宰相筆乃移政事堂于中書省記曰政事堂者君不可以枉道于天反道於地覆道于社稷無道于黎元此堂得以議之臣不可悖道于君逆道于人驢道于貨亂道于刑尅一方之命變王者之制此堂得以移之兵不可以擅誅權不可以擅施貨不可以擅蓄王澤不可以擅奪君恩不可以擅

古文奇賞 卷十六

三七

間私讐不可以擅報公爵不可以擅私此堂得以誅之事不可以輕入重罪不可以生入死法不可以割害于人財不可以擅加于賦情不可以委之于倖亂不可以啓之于萌伐紊不賞削紊不封聞荒不救見謹不驚逆諫自賢違道傷古此堂得以殺之故曰廟堂之上樽俎之前有兵有刑有挺有刃有斧鉞有鸞毒有夷族有破家登此堂者得以行之故伊尹放太甲之不嗣周公逐管蔡之不義霍光廢昌邑之亂狄公正廬陵之位自君弱臣強之後宰相主生殺之柄天子掩九重之耳變理化爲權衡論思變成機務道

變傾身禍敗不可勝數列國有傳青史有名可以爲
終身之誠無罪記云

弔古戰場文

浩浩乎平沙無垠。曩不見人。河水縈帶羣山。糾紛黯
兮慘悴。風悲日曠。蓬斷草枯。凜若霜晨。鳥飛不下。獸
挺。羣。亭。長。告。余。曰。此。古。戰。場。也。常。覆。三。軍。往。往。鬼
哭。天。陰。則。聞。傷。心。哉。秦。歟。漢。歟。將。近。代。歟。吾。聞。夫。齊
魏。徭。戍。荆。韓。召。募。萬。里。奔。走。連。年。暴。露。沙。草。晨。牧。河
水。夜。渡。池。闊。天。長。不。知。歸。路。寄。身。鋒。刃。膈。臆。誰。訴。秦
漢。而。還。多。事。四。夷。中。州。耗。斃。無。世。無。之。古。稱。戎。夏。不

古文奇賞 卷十六

三十八

樂鑄徽明
汪水伯文
游我國寶
豈明時垂
珠之景沈
彼綵船寶
去夜職舟
芝整以天
寶三年之
瀾也

抗王師文教失宣武臣用奇奇兵有異于仁義王道
迂闊而莫爲嗚呼噫嘻吾想夫北風振漠胡兵伺便
主將驕敵期門受戰野豎旄旗川迴組練法重心駭
威尊命賤利鏃穿骨驚沙入面主客相搏山川震眩
聲折江河勢崩雷電至若窮陰凝閉凜冽海隅積雪
沒脛堅冰在鬚鷲鳥休巢征馬踟躕繪纒無溫墮指
裂膚當此苦寒天假強胡憑凌殺氣以相剪屠徑截
輜重橫攻士卒都尉新降將軍復沒屍填巨港之听
血滿長城之窟無貴無賤同爲枯骨可勝言哉鼓衰
兮力盡矢竭兮絃絕白刃交兮寶刀折兩軍感兮生

因戰塲
任人此立
論大本源
處

疾。決。降。矣。哉。終。身。夷。狄。戰。矣。哉。暴。骨。沙。礫。鳥。無。聲。兮。
山。寂。寂。夜。正。長。兮。風。淅。淅。冤。鬼。結。兮。天。沈。沈。鬼。神。聚。
今。雲。幕。幕。日。光。寒。兮。艸。短。月。色。苦。兮。霜。白。傷。心。慘。目。
有。如。是。耶。吾。聞。之。牧。用。趙。卒。大。破。林。胡。開。地。千。里。遁。
逃。匈。奴。漢。傾。天。下。財。殫。力。痛。在。人。而。已。其。在。多。乎。周。
逐。獫。狁。北。至。太。原。既。城。朔。方。全。師。而。還。飲。至。策。勳。和。
樂。且。閑。穆。穆。棣。棣。君。臣。之。間。秦。起。長。城。竟。海。爲。關。荼。
毒。生。人。萬。里。朱。殷。漢。繫。匈。奴。雖。得。陰。山。枕。骸。遍。野。功。
不。補。患。蒼。蒼。蒸。民。誰。無。父。母。提。攜。捧。負。畏。其。不。壽。誰。
無。兄。弟。如。足。如。手。誰。無。夫。婦。如。賓。如。友。生。也。何。恩。殺。
呼。噫。嘻。嗚。耶。命。耶。從。古。如。斯。爲。之。奈。何。守。在。四。夷。

國之興亡解

爲國者同于理。身身或不和。則藥石之鍼灸之。若夫
扶疾而不攻疾病。則斃扶之者。歿也。齊隋之亡也。以
貞于終始。爲惑苟而無恥。爲明慢于事職。爲高賢。見
義不爲爲長者。繩違用法。則附強而潰弱也。議于得
失。則異寡而同衆也。尚學希古。謂之誕趣。便中時。謂

之工觀其燥濕而輕重之。候其成敗而褒貶之。肉食之尊以滋味糊口忍危亾而徼祿。利自是而下則曰上。司猶如之我于國何主。設能憤發則逆爲備豫。動開東闈氣沮志衰。志亦從化。俸於生者炎炎而四合。歿于正者求援而四合。歿于正者求援而無繼。麒麟悲鳴鳳凰垂翅。臨鼓害翼犬呀毒喙。則蛇鴆虎狼之徒其可向耶。嗟乎心腹支體一也。爲病者萬焉。雖有岐緩而不請岐緩視之而不救。噫齊隋不亡得哉。反是而理則玉道易易也。

無疆頌 并序

古文奇賞 卷十六

四十

諸頌有千
古尋陸色

臣華言。伏以漢明帝時。徵外蠻夷。藥木白狼。獻詩歌。德屬事史官。况臣自曾祖至臣。備國家職員。臣又逮事玄宗。肅宗。今以餘年。獲事陛下。官歷御史。補闕尚書郎。命薄多病。不獲奔赴闕庭。恐先朝露。同于泥塵。若無歌詩。訟德曾蠻夷。不若也。敢述列聖爲無疆頌。式昭皇家大慶。無窮謹昧。歿稽首以聞。

高祖元頌

監于下

興有德

吳昊旻天

維隋之杌

時曠陰凝

陽潛未登

人思照矣

雷行龍興

盪濯秀慝

僧一行頌
隋氏失御

國亂無家

小道自賢

大才須忌

文白山祇

五車河龍
影帝

文明乎萬國。

垂仁蒸人。

載親天監。

保我子孫。

巍巍皇皇。

後之皇。

丕承之。

太宗烈頌

高祖受天命

誕興太宗

成天之命

帝場昏逾

黎人毒痛

甚、焚于爐

甚溺于塗

以號以呼

呼天無辜

高祖謂太宗

爾必有天下

爾其訐謨

太宗稽首

恭授天命

臣請滌除

張我師

撫征四夷

剪雜羣慝

古文奇賞

卷十六

四十一

鼓一方

三方震驚

默昭其靈

隨頷而平

我負我乳

我安我成

以奉君父

以臨天下

在忠、孝、文、武

建禮章樂舞

我雖明德

諫則納汝

時惟帝降佑之

自古明后

莫如我德

我勛唐無疆

天子之無疆

本太宗休命

高宗康頌

肇為址為堂

實勩實勩

付俾厥裔

丕承后

帝思不忘

神業靜康

不耀而光

不求而昌

自中方

外達夷羗

瞻我大邦

助祭在于廟

執貢朝于王

油油時雲

兩厥百穀

膠、膠、景、風、

躬彼嘉穀

飴口飽腹

以厭以足

俛壽而福

都阜成天人

中宗興頌

屏蠱之毒

豐而為螻

謀虐天之族

天祐聖祚

八柱將覆

帝告五臣

保翼朕躬

赫赫彤彤

日升雲中

百臣受命

鉞爾頑兇

故曰再造我天下

生人鼓舞

既成矣

又奉父母

古文奇賞 卷十六

四十二

睿宗德頌

后。威。之。禍。再。興、

有。危。兢。兢、

廟。祧。震。怒、

陰。命。聖。子、

翼。登。聖。父、

奮。其。神。旅、

宵。杖。金。斧、

殄。殲。逆。亂、

大。聖。照。臨、

元。元。宅。心、

歸。孽。有。功。有。德、

於。戲。盛。德、

玄宗文頌

御製泰山頌 張宇盡地
開封武稱有載 文表時雍

丕。鏢。玄。宗。之。明、

克。季。克。仁、

允。武。允。文、

宣。祖。宗。之。光、

垂。於。子。孫、

盛。禮。畢。舉、

大。樂。畢。陳、

百。蠻。來。賓、

元。元。阜。殷、

戎。或。不。賓、

遣。師。徂。征、

罔。不。頓。顙、

張說開元
頌鳴鶴
魏調新發
愁又曰天
清日問神
巖如答張
元齡龍池
聖德頌道

居萬物者
其鬼尤功
濟生人者
其祥大

辟于雷霆。

中都繫考

誅千萬人、

誅沛賓客、

楚獄連年、

猶曰漢祚宜長、

至於玄宗、

誕告郡國、

追懷登遐、

養鱗介族、

古丈奇賞、

享國五十年、

天念蒸人、

乃告元子、

命元子受圖、

歸於國都、

傳聖自願、

之道之純、

肅宗孝頌

穆穆孝慈、

爰訓六師、

在漢方昌、

六萬餘人、

其後賢王、

以千以百、

坐成待捕、

越我祖宗、

哀彼鉄鎖、

大為屋室、

止害禽畜、

既濡既渥、

卷十六

寓縣晏然、

若曰寧我負恥、

理兵朔鄙、

天下既定、

無不欣愉、

升靈太微、

不可度思、

用刑慘酷、

使者案錄、

光武赫赫、

孝明稱賢、

以萬以千、

不忍用刑、

降為鞭撻、

醫彼百疾、

旁為陂池、

昆蟲艸木、

四十三

逆臣犯天、

不忍人戰、

西幸蜀都、

父堯子舜、

無不涕濡、

嗚呼上聖、

達于神祇、

陵陵雷馳、

有如肅宗之誠、

震登北陲、

西戎南蠻

北狄東夷

咸舉其旂

佐皇之威

帝心如天

無噬無慾

鬪然丘岳

破裂崖谷

逆隸傾覆

朝社大復

屆于海之外服

以盟以濯

以舞以躍

帝在東宮

孝如文王

蒸蒸其心

天地知其季

既收鎬洛

祀于陵廟

奉迎上聖

天日竝照

有兕有麋

將噬將齧

我旂方設

則已顛蹶

如燁于雪

尊嚴而仁

仁覆而嚴

大臣小臣

莫不潔廉

古文奇賞

卷十六

四十四

躬勤百度

百度如其素

今上照頌

大邦之興

維天相之

曷興曷相

有德繼王

昔殷王

盤庚武丁

紹登殷明

矧我帝君

丕承天命

豐引其慶

生我皇聖

幼冲聖敬

實左右肅宗

開國御戎

羣師稟教

舉則成功

自西自東

如霆如風

蕩滌元兇

罔不率從

既登大位

於變時雍

人咸曰

上如太宗

李德裕撰

武宗真容

曰至于天

光辟清日

華明潤非

可圖也

延億兆斯年

地博天崇

罔不爾容

玄宗元孫

為玄宗烈文

肅宗元子

承肅宗孝理

韓公廟碑銘

此左挈人頭右扶生虜之筆

唐之元老有大庇於生人曰韓公公盡力大朝位尊將相三城立廟軍帥乞靈則祠之天寶季歲華奉使朔方展敬祠下式瞻風采像與神合沈沈如生嗚呼生以功為臣歿以靈為神神乎宜奉公總戎疆外懸衡審政拒隴循河綿亘萬里堅城雄防扞蔽三輔介胄之士垂十萬人瞻我麾節以為進退先是突厥犯

古文奇賞

卷十六

四十五

塞乘勝入朔方游騎至安定守軍不到經略失守虜乃驅監牧之騾牝退存廬帳進圍聚邑鳴弓躍馬規復漠南邊人搢心元聖軫念節將更至咸以為請縉紳獻議則以和親為便中宗未之許也初以公耄老且重煩之及卜師於太宮之庭惟公之吉至尊親臨前殿授以兵符公承命徂征北蕃逆駭記所謂君子有其時有其命公得其二而伸其一者也公忠貫神明慮幾造化鎮以長策潰其姦謀一麾偏師屠名王復喪馬奪漣拂雲維而城之並河之阿列策三鎮將精士銳談笑就役匈奴莫敢南視雷哭而遁老幼望

公以相震怖不然則乘冰轉鬪無日無之既而據河山翫其動靜納行旅歸之帷席憑塘而望匹馬單兵不匿形影虜由是械手足而刳腹心朝廷無草竊之虞天下減征役之半矣詩云文武吉甫萬邦爲憲又曰方叔元老克壯其猷公之謂也帳下之厮尚有存者曰公號令素嚴人無違禁自將吏騎卒咸有旗表節不常出出則賞罰隨之賞非未功罰無非罪上流而下競心行而事從謀全功成由此術也三城旣就刊木標櫛記之種落刻其降年後皆如之豈挺生上將之龜策也奇鑒先物之然也夫烏獸草木出其倫

古文奇賞

卷十六

四十六

輩猶或利害憑焉况殊績功勳終始天地翼輔先聖寵綏元元有茅社之尊符節之重後奉者果一勝遂一謀庸非明神幽贊之效雅有吉甫薄伐至于太原王命南仲城彼朔方傳稱齊桓伐戎攘狄以其病燕滅衛魏絳和戎狄合諸侯從古及今以爲大功其餘秦恬漢青之倫纔丘垤耳尚或豨頡之簡策貴之况忠武卓異屢履今昔而咏歌無之非古也竊感越

孟懷隨武之德寤寐永歎奉銘神宮其文曰赫爾韓公司武有經受命北伐渠魁就刑敢或不順鼓行風霆崇岱壓卯滄波灌螢沈泉雷動機發冥冥功奮

三城人謠億齡謀出先後構危于寧張天之威恢廟
之靈北狄頓額山戎來庭萬里寢拆綠河罷肩趨拜
故祠德謝惟馨翔野何有羣山青青感激遺風徘徊
涕零吾誰與歸式薦斯銘

元魯山墓碣銘

維唐天寶十二載九月二十七日魯山令河南元公
終於陸渾草堂春秋五十九服名節者無不痛心嗚
呼堂內有篇簡巾褐枕履琴杖篔簹而已堂下有接
賓之位孤甥受學之室過是而往無以送終名高之
士陸渾尉梁園喬潭賻以清白之俸遂其喪塋以明

古文奇賞

卷十六

四十七

月十二日窆于所居南岡禮也公諱德秀字紫芝延
州使君之子公自幼居貧累服齊斬故不及親在而
娶既孤之後單獨終身人或以絕後諭焉對曰兄有
息男不曠先人之祀矣歷官俸祿悉以經營塋祭衣
食孤遺代下之日柴車而返南游陸渾考一畝之宅
發八筍之直唯匹帛焉居無扃鑰牆藩之禁達生齊
物從其所好時屬歉歲涉旬無煙彈琴讀書不改其
樂好事者攜酒食以漬之陶陶然脫遺身世涵泳道
德拔清塵而棲顛氣中古以降公無比焉知我或希
晦而不耀故也是宜爲國老更論道佐世而羔雁不

至殿于空山。可勝慟耶。所著文章。根玄極。則道演。奇
情性。則玄于思。善人則禮水多能。而深則廣。吳公子
觀樂。曠達而妙。則現題。窮于性命。則蹇士賦。可謂與
古同轍。自爲名家者也。又其惡萬金之藏。鄙十卿之
祿。富貴之辯。吾得其真。至哉。元公。飛軼古今。冲邃冥
冥。純朗朴渾。籠于生靈。凡與門人。吟慕遺風。諡曰文
行先生。從古也。

古文奇賞

卷十六

四十八

錄桃源畫記

唐 舒元興

四明山道士葉沈囊出古畫畫有桃源圖圖上有谿
谿名武陵之源按仙記分靈洞三十六之一支其水
趣流勢與江河同有深而淥淺而白白者激石淥者
落鏡溪南北有山山如屏形接連而去峰豎不險翠
濃不浮其夾岬有樹木千萬本列立如揖月色鮮如
霞擢舉欲動粲若舒顏山鋪朱底草散茵毯有鸞青
其衿有鶴丹其頂有雞玉其羽有狗金其色毛僂僂
亭亭間而立者十有八九岬而北有曲深崑門細露
室宇霞檻繚轉雲磴五色雪冰肌顏服身衣裳皆負
古文奇賞 卷十六

四十九

朱南宮文
做此而吐
薄矣

星月文章岬而南有五人服貌肖虹玉左右有書童
玉女角髮而侍立者十二視其意况皆逍遙飛動若
雲十許片油焉而生忽焉而往其坦處有壇層級杳
玉冰壇面俄起爐竈竈口含火上有雲氣且備五色
中有溪艇泛上一人雪華鬢肩身着秦時衣服手鼓
短柁意狀深遠合而視之大略山勢高水容深人貌
魁奇鶴情閑暇烟嵐草木如帶香氣熟得詳旣自覺
骨戛清玉如身入鏡中不似在人寰間眈然有高謝
之志從中坐來少選道士卷畫而藏之若身形却落
塵土中視嚮所張壁上又疑有頑石化出塞斷道路

其見畫物不甚寡如此圖未嘗到眼。是知工之精而有如是者邪。葉君且自珍重無路得請。遂染筆錄其名數。將所以備異日寫畫之不謬也。

上論貢士書

楊維禎古
入比文章
于鄒衛六
經則未嘗
開卷三史
則皆同挂

臣年二十三學文成立為州縣察臣得備下士貢士之數到闕下月餘待命有司始見貢院懸版樣立束縛檢約之目。勘磨狀書劇責與吏胥等倫。臣幸狀書備不被駁放得引到尚書試試之日見八百人盡手攜脂燭水炭泊朝脯餐器或荷于肩或提于席為吏胥縱慢聲大呼其名氏試者突入棘圍重重乃分

古文奇賞 卷十六

薛登舉擢
賢才疏連
篇累牘不
出月露之
形積業盈
猶惟是風
雲之狀又
日上啓陳
詩唯希咳
唾之深摩
頂至足黃
荷提攜之
恩可以參
觀

坐。廡。下。寒。餘。雪。飛。單。席。在。地。嗚。呼。唐。虞。闢。門。三。代。貢。士。未。有。此。慢。易。者。也。臣。見。今。之。天。下。貢。士。既。如。此。有。司。待。之。又。如。此。乃。益。大。不。信。古。聖。人。言。及。觀。今。之。甲。賦。律。詩。皆。是。偷。折。經。誥。侮。聖。人。之。言。者。乃。知。非。聖。人。之。徒。也。臣。伏。見。國。朝。開。進。士。一。門。苟。有。登。升。者。皆。資。之。為。宰。相。公。侯。卿。大。夫。則。此。門。固。不。輕。矣。凡。將。為。公。侯。卿。相。者。非。賢。人。君。子。不。可。有。司。坐。舉。子。于。寒。廡。冷。地。是。比。僕。隸。已。下。非。所。以。見。徵。賢。之。意。也。施。棘。圍。以。截。遮。是。疑。之。賤。姦。徒。黨。非。所。以。示。忠。直。之。節。也。試。甲。賦。律。詩。是。待。之。以。雕。蟲。微。藝。非。所。以。觀。人。文。化。成。之。

道也有司之不知其為弊若此。臣恐賢人君子遠去。不肖汚辱為陛下用。且指近陳之。今四方貢珠玉金銀。有司則以篋筐皮幣承之。貢賢才俊。又有司以單席冷地承之。是彰陛下輕賢才而重金玉也。賢才恥之。臣亦恥之。臣又見每歲禮部格下。天下未有不言察訪行實。無頗邪。然後上貢。苟不如格。抵罪舉主。臣初見之。竊獨心賀。謂三代之風必作于今日矣。及格既下。而法不下。是以歲有無藝朋黨。譁然扇突。不可絕。此又惡用格為徒亂人耳。又于格中程之人數。每歲多者固不出三十。少或不滿二十。此又非天子納

古文奇賞 卷十六

士之心也。何以言之。今日月出沒。皆為陛下內地。自漸海流沙朔南。周環綿億萬千里。其間異氣所鍾。生英豪俊彥。固不少矣。若陛下明詔。必以禮舉之。忽一歲之內。有百數元凱楊馬之才。德者來之。則有司必曰。吾格取二十。而黜八十。是為求賢邪。遺賢邪。若有司以僕隸待之。忽一歲之內。負才德來者。無十數輩。則有司必曰。吾拔二十。是謬收其半。徒足滿人數。是為取才邪。是為取合格邪。其不可先定人數。亦昭昭矣。陛下無以臣迹在。貢士中疑臣。自謂臣雖不敏。竊窺太常一第。不為難得。何以明之。若使臣為今日貢

士之體事便僻巧佞馳騫關鍵固臣之力所不能也
恥不爲也故互以頑才于有司得之固無忝不得則
納履而去蹤跡巢由以樂陛下熙熙之化何往而無
泉石之怪哉。

古文奇賞

卷十六

五十二

張長史十二筆意述

唐顏真卿

此中有深
意。文亦
超絕。

予罷秩醴泉特詣東洛訪金吾長史張公請師筆法
長史於時在裴宅憩息已一年矣師公者甚殷求筆
法或有得者皆曰神妙一日長史乃左右盼視拂然
而起僕乃從行來至竹院小堂公乃當堂踞坐而命
僕居乎小榻言曰筆法玄微難妄傳授非志士高人
詎可言其要妙夫平謂橫子知之乎僕曰嘗聳長史
每令爲一平畫皆須縱橫有象非此之謂乎長史曰
然直謂縱子知之乎曰豈非直者必縱之不令邪曲
之謂乎曰然均謂間子知之乎曰嘗蒙示以間不容

古文奇賞

卷十六

五十三

髮其此之謂乎曰然密謂際子知之乎曰豈非謂築
鋒下筆皆令完成不令甚疎之意乎曰然鋒謂末子
知之乎曰豈非末已成畫復使鋒健之意乎曰然力
謂體骨子知之乎曰豈非謂趯筆則點畫皆有筋骨
字體自然雄媚之意乎曰然輕謂曲折子知之乎曰
豈非鈎筆轉角折鋒輕過亦謂轉角爲暗過之謂乎
曰然決謂牽掣子知之乎曰豈非謂牽掣爲擊銳意
挫鋒使筆不怯滯令險峻而成之謂乎曰然益謂不
足子知之乎曰豈非謂結構點畫有失趣者則以別
點畫偏有救應之謂乎曰然損謂有餘子知之乎曰

豈長史所謂趣長筆短雖點畫不足常使意氣有餘乎。曰然。巧謂布置。子知之乎。曰豈非欲書預想字形。布置令其平穩。或意外生體。令有異勢乎。曰然。稱謂大小。子知之乎。曰豈非大字促令小小。小字展令大。兼令茂密乎。曰然。子言頗皆近之矣。夫書道之妙。妙在執筆。令得圓轉。勿使拘攣。其次在識筆法。其次在於布置。不慢不越。巧便合宜。其次紙筆精佳。其次變通適懷。縱舍掣奪。咸有規矩。用筆當須知如錐畫沙。如印印泥。用鋒常欲使其透過紙背。久之自然齊于古人矣。

古文奇賞

卷十六

五十四

浪跡先生玄真子張志和碑

士有牢籠太虛。撒檢玄造。擺元氣而詞鋒。晉出軌無間。而理窟。肌分。其惟玄真乎。玄真子姓張氏。本名龜齡。東陽金華人。父遊朝清真好道。著南華象說十卷。又著冲虛白馬非馬證八卷。代莫知之。母留氏。夢楓生腹上。因而誕焉。年十六。遊太學。以明經擢第。獻策肅宗。深蒙賞重。令翰林待詔。授左金吾衛錄事參軍。仍改名志和。字子同。尋復貶南海尉。經量移。不願之。任得還本貫。既而親喪。無復宦情。遂扁舟。緡綸。浮三江。返五湖。自謂烟波釣徒。著書十二卷。凡三萬言。號

玄真子遂以稱焉。客或以其文論道從橫謂之造化。鼓吹京兆韋諒為作內解。玄真又述大易十五卷。凡二百六十有五卦。以有亡為宗。觀以為碧虛金骨。凡浦陽刷鶴齡亦有文學。恐玄真浪跡不還。乃于會稽東郡買地結茅。坐以居之。閉竹門十年不出。吏人嘗呼為陶河夫。執畚就役。曾無忤色。又欲以大布為褐。裘。嫂徐氏聞之手為織纊。一製十年。方暑不解。所居艸堂。椽柱皮節皆存。而無斧斤之跡。文士效柏梁體作歌者十餘人。浙東觀察使御史大夫陳公少游聞而謁之。坐必終日。因表其所居曰玄真坊。又以門巷

古文奇賞 卷十六

太真為序。因賦柏梁之什。文士詩以美之者十五人。既門隔流水。十年無橋。陳公遂為建造。行者謂之大夫橋。常以豹為席。驥皮為屨。隱素木几。酌斑螺杯。鳴榔拏枝。隨意取適。垂釣去餌。不在得魚。肅宗嘗賜奴婢各一。玄真配為夫妻。夫曰漁童。妻曰樵青。人問其故。漁童使捧釣收綸。蘆中鼓枻。樵青使蘇蘭薪桂竹。裏煎茶。竟陵子陸羽。校書郎裴修。嘗問有何人往來。答曰。太虛作室而共居。夜月為燈。以同照。與四海諸公未嘗離別。有何往來。性好畫山水。皆因酒酣乘興。

擊鼓吹笛。或閉目。或背面。飛墨應節而成。大曆七年
秋八月。訊真卿於湖州。真卿以舫艇旣敝。請命更之。
客曰。儻惠漁舟。願以爲浮家汎宅。沿泝江湖之上。遣
來蒼雪之間。埜夫之幸矣。然立性孤峻。不可得而親。
疎率誠澹。然人莫窺其喜愠。視軒裳如艸芥。屏嗜慾
若泥沙。希跡乎丈夫。同符乎古作者。莫可測也。忽焉
去我。思德之深。曷以真懷寄諸它山之石銘。

邈玄真超隱倫。齊得喪甘賤貧。泛湖海同光塵。宅漁
舟垂釣綸。輔明主若斯人。豈烟波淪此身。

改修吳延陵季子廟記

唐蕭定

有吳之興也。泰伯讓以得之。有吳之衰也。季子讓以失之。爲讓之情同。而興衰之體異。何哉。泰伯之讓。讓以賢也。故周有天下。而吳建國焉。季子之讓。賢以讓也。當周德之衰。而吳喪邦焉。或曰。非所讓而讓之。使宗祀泯絕。而不血食。豈曰能賢。斯可謂知存而不知亡者矣。夫治亂時也。興亡運也。故至至而不可卻。終終而不可留。黃河旣濁。阿膠無以正其色。鹽池斯鹹。弊箠不能筐其味。與夫當濁亂之世。召力勝之戎。讓與爭孰賢乎。易曰。知幾其神。則季子之見。可謂知幾矣。

古文奇賞

卷十六

平七

矣。季子之明。可謂知進退存亡而不失其正矣。至于聽樂辨列國之興亡。審賢知世數之存沒。挂劍示不言之信。避國保無欲之貞。故有吳之祀。寂寥而延陵之饗。如在玄風。可想至德。興歎美之辭。哲人其萎。表墓著嗚呼之篆。向微德仁兩至。則夫子不復歎焉。詳其精義。被物。鈎深致遠之旨。烏可究其津涯。而窺其牆仞哉。是知讓之爲德。在于生靈。不獨其子孫明矣。國有祀典。人懷永思。定忝列藩條。欽崇懿範。予以加敬。嚴乎闕宮。別闈壺之內外。正衆神之序位。舊以泰伯之廟。在于蘇臺。而制季子之祠。像設東面。非由典

禮諒無取焉。必也正名。于是乎在。祈報獻奠贊幣室
列于軒廂。春秋禮薦俎豆。當陳于正寢。俾觀像者識
賢人之遺風。可律。審度者。知經德之禮秩。無差。未學
陋辭。不足頌其休烈。寒來暑往。敢用同于紀年。時大
唐大曆十四年歲在己未八月戊戌朔二十七日甲
子記

古文奇賞

卷十六

五八



以夫... 二十四... 未... 八月... 二十七日甲
子... 禮... 賢人之遺風... 可律... 審度者... 知經德之禮秩... 無差... 未學
陋辭... 不足頌其休烈... 寒來暑往... 敢用同于紀年... 時大
唐大曆十四年歲在己未八月戊戌朔二十七日甲
子記

孟浩然字浩然襄陽人也骨貌淑清風神散朗救患釋紛以立義表灌蔬藝竹以全高尚交游之中通脫傾蓋機警無匿學不爲儒務掇菁藻文不按古匠心獨妙五言詩天下稱其盡美矣閒遊祕省秋月新霽諸英華賦詩作會浩然句曰微雲淡河漢疎雨滴梧桐舉坐嗟其清絕咸閣筆不復爲繼丞相范陽張九齡侍御史京兆王維尚書侍郎河東裴朮范陽盧侯大理評事河東裴總華陰太守鄭備之守河南獨孤策率與浩然爲忘形之交山南採訪使本郡守昌黎

古文奇賞

卷十六

五九

韓朝宗謂浩然間代清律真諸周行必咏穆如之頌因入奏與偕行先揚于朝與期約日引謁及期浩然會寮友文酒講好甚適或曰子與韓公豫諾而怠之無乃不可乎浩然叱曰僕已飲矣身行樂耳遑恤其它遂畢席不赴由是間罷旣而浩然亦不之悔也其好樂忘名如此士源它時嘗筆讚之曰導漾挺靈實生楚英浩然清發亦其自名開元二十八年王昌齡游襄陽時浩然疾疢發背且愈相得歡甚浪情宴諠食辭疾動終于冶城南園年五十有二子曰儀甫浩然文不爲仕佇興而作故或遲行不爲節動以求真

真篋者

故似誣遊不為利期以放性故常貧名不繼于選部
聚不盈於擔石雖屢空不給而自若也士源幼好名
山行年十八首事陵山踐止恒嶽咨求通玄丈人又
過蘇門問道隱者元知運太行採藥經王屋小有洞
太白習隱訣終南修亢倉子九篇天寶四載徂夏詔
書徵謁京邑與冢臣八座討論山林之士麇至始知
浩然物故嗟哉未祿于代史不必書安可哲蹤妙韻
從此而絕故詳問文者隨術所論美行嘉聞十不紀
一浩然凡所屬綴就輒毀棄無復編錄常自歎為文
不逮意也流落既多篇章散逸鄉里購採不有其半

古文奇賞 卷十六

六十

敷求四方往往而獲既無他事為之傳次遂使海內
衣冠縉紳經襄陽思覩其文蓋有不備見而去惜哉
今集其文詩二百一十八首分為四卷詩或缺逸未
成而制思清美及他人謝贈咸錄次而不棄耳

孟浩然肩毫盡落裴祐袖手衣袖至穿王維至走
入醋甕皆苦吟者也

登黃龍古塞。望洪河中流。巋然獨存。大浸不濁者。媧皇陵也。夫巨靈擘太華。躡首陽。導河而東。以洩憤怒。雖有重丘大阜。險狹之口。罔不激之爲黃壤。洎之于旋波。不可復振。奔崩而下矣。女媧氏已然之後。豁爾之衝。天險東阨。風濤鼓作。乃能中乾外禦。特立萬年。其憑神可知也。水無盈縮之度。陵有高卑之常。霖潦漲之兩泆。沒矣。於是乎不爲之小而就其深。旱暵涿之孤嶼。出矣。於是乎不爲之大而就其淺。非夫巨靈壯趾以固本。河伯高肩以承隅。胡然動靜適因其時。

古文奇賞

卷十六

六一

升降不失其則。羅浮二岳。以風雨合離。蓬萊五山。以波潮上下。不復故道。遂違常流。甚相遠矣。君子曰。夫能屠黑龍。涸九州。况乎一水之上。而自爲謀。夫能斷鼇足。立四極。况乎數仞之高。而自爲力。神人之易昧者。難知。密邇山谷。森羅物象。莽莽蘆渚。寧非止水之餘。嶰嶰石林。猶有補天之色。搖演空曲。精靈若存。且夫上無積草。表以孤樹。常感風氣。纖條悲鳴。若冥應盼。蠶鼓簧而吹笙。由是憧憧往來。無不加敬。山有梅栗。關吏羞焉。水有菱芡。舟人奠焉。冢之木。無或斬焉。陵之士。無或杯焉。是則馨香已陳。而樵蘇自禁矣。故

聖人取薄葬。去厚送。驪山之銀海魚燈。虎丘之金精龍劍。錮之其內。散之其間。適爲大盜之守。未足藏身之固。彼橋山帝丘。九疑會稽。皆因山而墳。未聞其諸者。余謂媼皇受命在火。火以示水。谷不爲陵。開門負固。日用其力。不然其隙地。豈必封崇乎。是故觀而志之。爲城冢後記。

故四鎮北庭行宮節度使扶風郡王贈司徒馬
公神道碑
唐 常 袞

李珣銘牛
檜儒曰天

球河圖有
國之大寶

王者之佳
端方于歸

彦即又次
焉

裴度銘李
成曰覆露

如風振稿
叶蔽君若

龍冠靈山
橫流之中

匡而定
又曰每一

言一誓聲
象俱發

古文奇賞 卷十六

六十三

考之令典惟三年夏六月庚申百辟洎侯王列將咸
會于朝廷乃大誥于爾在位有能典我西師僉曰璘
哉是用詔以鷹揚之命于夏有鸞旂瑠戈之賜公拜
手稽首不敢辭難遠帥師躬那珥節涇流恢耀武威
以臨于戎狄既至乃以戎服立于軍門之外奉敬天
子之威命而訓于將軍列校六正五吏三軍之大夫
曰惟昔盛明必有憂難其在殷高宗也有鬼方之征
其在周文祖也有昆夷之患秦以安定北地戎狄內
侮漢以金城隴西氏羗入寇故遣率以守衛中國脩
戰而高尚武力國家道德盛於殷周甲兵富于秦漢

亦有邊患尚勞睿謀則疆臣之罪也將何以塞責誓將上奉神武之算下憑戎士之力鼓行而前殄殲羣慝詞情抗厲風雲動色于是軍舉法以誓之令簡而一衆畏而服雖矍眊老將聞而竦然乃周覽其山川以備其戰守有若岸兕其威貔豕其勇屹立而不動者持重之將統焉禦于水陝之衝蒙輪超乘縵胡突鬢耽盼而橫奮者雄毅之將董焉捍于瓦亭之陰輕軒飛翰闐闐桓桓隸于射聲校尉以出松谷百夫之特萬人之敵屬于車師後部以殿銅城火渠門之旌舒于大回川雷密須之鼓殷于都廬山周之以木樵

古文奇賞

卷十六

六十四

枝聯布之以簡石渠答部勒既定天地肅然遂使魁健氣索猛鷲覓駭卻略引去不敢近塞故八年之間再寇而已此皆親稟睿略協用武經前後獻功悉如宸旨方將大復流沙遠收故地奪我良將罔卒西事以大曆十一年月日薨于戎府春秋五十六天子廢朝而歎曰安得雄邊威敵之臣如扶風乎遣中命以迎喪顧近侍而流涕其至第也百官會甲其遣奠也五校啓行贈以車馬哈以貝玉所以褒大勳也初公自二庭統甲士三千赴鳳翔行在途陳滅胡之策先皇帝奇之曰吾無憂于東方也遂戰青渠陣澧水收

二陝復三川衛南以百騎破五千河陽以一族摧十
萬史朝義悉師自將大戰邛山國家以天下勁兵夾
攻未動公獨率所部不陣而馳偃旗先登闕如虓虎
關酣披靡橫貫而出回戈奮擊虜陣始破交突數合
轟然大潰時副元帥太尉光弼壯之曰吾用兵三十
年未見以少擊衆雄捷之若此每有征伐大計悉咨
訪焉斯亦羣帥之傑旣而移軍右輔疾援河西固已
離之心存將棄之地及聞僕固懷恩之變卽日旋師
萬類千羣延蔓山谷輕行轉鬪虜殺而歸屈于岐都
寇已合四公乃持滿外嚮全入懸門未及解甲皆城

古文奇賞

卷十六

六十五


出戰戎師北走數騎前追背血橫灑朱殷金甲擗載
而墜應弦而倒者數千萬人可謂三軍之絕也年二
十讀伏波傳至大丈夫當于邊野以馬革裹屍而還
慨然而歎曰豈使吾祖勳業墜於地乎由是憤憤邊
戎徘徊狐兔遂西至絕域以奇功累授裨將歷金吾
將軍殿中監太保御史中丞遷御史大夫領北庭行
軍使邠州刺史加工部尚書節制涇原以鄭穎二州
餘之尋拜右樸射知省事階至儀同進封異姓副軍
以降略而不書以英明之識遇聖明之運故得竭其
智謀極其任遇抗大節以激危難據洪仁以庇傷殘

公之理軍也。以穰苴兵法。孫子十三篇。先以正合。終以奇勝。閑廓深遠。應變無端。與之安。與之危。故可合不可離。同其敗。同其成。故樂死。不樂生。至于木罌濟河。登山拔淵。解鞍而臥。鞭馬而馳。兼之有餘。亦不差異。嘗以家財二百萬。贍三軍。與其散。已食于行伍。陳賜金于廊廡。何相去之遠哉。

古文奇賞

卷十六

李六



興元奏請許渾弼李晟等諸軍兵馬自取機便
狀
唐陸贄

宣公奏疏
子所日夕
燕區顧非
以文章董
有一以概

右欽澈奉宣聖旨省卿所奏蕃軍退歸及關中體勢
理皆切當甚慰朕懷然渾弼李晟等諸軍須有商量
規畫今其進取朕見欲遣使宣慰卿宜審細條疏速
奏來者臣聞將貴專謀兵以奇勝軍機遙制則失變
戎師稟命則不威是以古之賢君選將而任分之于
閫誓莫干也授之以鉞俾專斷也夫然故軍敗則灰
衆戰勝則策勛不用刑而師律貞不勞慮而武功立
其於委任之體豈不博大哉其于責成之利豈不精

古文奇賞 卷十六

李七

覈哉自昔帝王之所以夷大難長大業者由此道也
其或疑於委任以制斷由已爲大權昧於責成以指
麾順旨爲良將鋒鏑交于原塹而決策于九重之中
機會變於斯須而定計于千里之外違令則失順從
令則失宜失順則挫君之嚴失宜則敗君之衆用舍
相礙否臧皆凶上有掣肘之譏下無炊綏之志其于
分畫之道豈不兩傷哉其於經綸之術豈不都謬哉
自昔帝王之所以長亂繁刑喪師屬削者由此道也
茲道得失兵家大樞當今事宜所繫尤切蓋以寇盜
克斥乘輿播遷人心有觀變之搖王室無自固之重

秦梁迴繚千里而遙臨之以威。則力勢不制。授之以策。則阻遠不精。頃者驟降詔書。教諭羣師。事亡大小。悉爲規裁。及乎章表陳誠。使臣復命。進退遲速。率乖聖謀。豈皆樂於違忤哉。亦出傳聞。與指實不同。懸算與臨事有異故也。設使其中或有肆情奸命者。陛下能於此皆戮其違詔之罪乎。臣竊恐未能也。陛下復能奪其兵而易其將帥乎。臣亦恐未能也。是則違命者既不果行。罰從命者又未必合宜。徒費空言。祇勞睿慮。匪唯亡益。其損實多。何則。時方艱屯。下陵上替。凡在執干戈而衛社稷者。皆自謂勛業由己。義烈發

古文奇賞 卷十六

六十八

四亦臨足
之智也

心。安於專行。病于羈制。陛下宜俯徇斯意。因而委之。遂其所安。護其所病。敦以付授之義。固以親信之恩。假以便宜之權。待以殊常之賞。其餘細故。悉勿開言。所賜詔書。務從簡要。慎其言以取重。深其託以示誠。言見重則君道尊。託以誠則人心感。尊則不嚴而衆服。感則不令而事成。其勢當令智者聘謀。勇者奮力。小大咸極其分。賢愚各適其懷。將自效忠。兵自樂戰。與夫迫于驅制。不得已而從之者。志氣何啻百倍哉。夫君上之權。特異臣下者。唯不自用。乃能用人。其要在順於物情。其契在通於時變。今之要契。頗具於茲。

古兩漢所以亡者，皆曰莽卓。予以爲莽卓、篡逆、汗神器以亂齊民，自賈夷滅天下耳目，顯然聞知，靜徵厥初，則亡西京者張禹，亡東京者胡廣，皆以假道儒術，得伸其邪心，徼一時大名，致位公輔，辭氣所發，損益繫之，而多方善柔，保位持祿，或陷時君以滋厲階，或附凶沴以結禍胎，故其蕩覆之機，篡奪之兆，皆指導馴致之，雖年祀相遠，猶手授頤指之然也。其爲賊害，豈直莽卓之比乎？且出不越境，書殺君之惡，言僞而辯，有兩觀之誅。若當春秋之時，明禹廣之罪，作誠來

古文奇賞 卷十六

六九

世可勝紀乎？向者西京，抑損王氏，尊君卑臣，則庶乎無哀乎之壞，東京，登庸清河，申明臣忠，則庶乎無靈獻之亂。大漢之祚，未易知也。或以國之興亡，皆有陰陽之數，非人謀能亢，則但取替龔者而相之，立土木，偶而尊之，被以草組，列于廊廟，斯可矣。何堯舜之或容，或吁殷周之或夢，或卜憂勤日昃之若，是然後爲理。邪？予因隸古史，且嗜春秋褒貶之學，心所憤激，固辯其所以然。

祖二疎圖記

唐 王 藹

吳郡顧生能寫物。筆下狀人，風神情度，甚得其態。自江以東，譽為神妙。有好事者先賄以良金細帛，必避而不顧。設食精美，亦不為之謝。乃曰：主人致殷勤，豈無意刑？何不醉我斗酒，乘其酣逸，當無愛惜。乃張素座隅前，卽置酒一器。初沈思想望，搖首撼頤，忽飲十餘杯，斗乃三揖。主人曰：酒興相激，吾將勇于畫矣。午未及夕，而數幅之上，有帳于京城之外，帳中有筵筵，中有犧罇二壺，觥卽觥而罍，筵卽倍犧壺之數，而樂師差于前，樂有竽琴瑟，有笙鑪，有缶有筑，有鼓而棘。

古文奇賞 卷十六

七十至七一

若鼓手以合奏也。列坐皆冕帶盛服，有持算主事者，有捧竿就飲者，有憑軾徐來者，有目于騎而迴者，有仰吻而哈者，有俛首而肅者，有避席而遺簪履者，有促襟而將進者。此漢公卿祖二疎也。主人久視而問曰：東鄉而坐，卽行客也。去國離羣而容無慘恨，何為妙？曰：二疎之去，乃知足也。非疾時也，非時之不禮也。非危于禍機也，非避于讒口也。非失于權利也，既辭勤于夙夜，而果其優游，故顏間無慘恨之色。主人歎曰：既不為利，易已之能，絜也。嗜酒而混俗，何其高也。圖二疎以遺時俗，勸也。求其能狀物情者，孰有勝乎。

堯有天下七十載將遜于位久難其人伯支許由全其節而固讓義仲蘇叔審其才而固辭帝德合于天命歸于帝帝盡善也我其試哉由是賓于四門納于百揆星辰合度雷雨不迷堯之二女釐降于內堯之九男服勤于外受昭華之玉允洽人神泥封祀之金大報天地五臣皆進明賞也四族咸黜明刑也先賢后文敦俗也貴德尚齒優賢也于斯之時君明于上人化于下山川鬼神亦莫不寧鳥獸魚鼈衆乎咸若無爲而治其聖也歟夫以萬乘之尊一人之貴多

古文奇賞 卷十六

見軼其軌度少能窒其嗜慾瑤臺瓊室堯舜則茅茨土階矣玉食寶衣堯舜則藜藿皮裘矣歷代多嬪御堯舜顧禮經娶一姓矣自古好征伐堯舜舞干戚懷四夷矣百姓樂堯舜未嘗不樂百姓憂堯舜未嘗不憂曆數之來人以位授我謳歌之去我以位授人其來也嬰于樊籠其去也脫于桎梏形神非吾有天地之委和子孫非吾有天地之委蛻此其所以禪代也近日曹丕父子世爲漢賊當鼎易之時發荒唐之論高祖前古大夸羣雄猥以漢魏之間輒同堯舜之際此河伯不知于海若盜跖自方于仲尼也古人云堯

正切處帝
大而不愧

以義終。舜以勅死。理諸祀典。永爲世教。游夏之徒。豈
誣也哉。稱堯見囚。小儒之虛誕。爲禹所放。曲士之穿
鑿。攻乎異端。斯害也已。九疑止麓。三湘南溼。帝之遺
廟存焉。地僻易蕪。徒生荆棘。水深難涉。誰薦蘋蘩。先
聖不祀。後賢之過。攝邵陽令。前監察御史宇文宣大
樹風教。小康黎元。相岡巒。移棟宇。前豁林莽。得爽塏
之地焉。下指城隅。見祈禱之人焉。如或宣室言徵。闕
宮靈降。娥英近侍。稷契旁趨。則歌南風。覲東后。朝衆
聖。會羣臣。則知湯武不敢升堂。自愧于廊廡之下。高
光不敢及戶。退慙于閭閻之外。成康文景。帝所譏焉。

古文奇賞 卷之十六

七十三

謂也。無孔氏之祖述。有顏子之希慕。作頌于清芬。勒
文于玄石。其銘曰。系白顓頊家。于勾芒大口。奇表
重瞳。異相俗變。山中風移。河上其器。不旅其人。皆讓
二年。成邑三年。成都。惟彼陶唐。禪于有虞。域中交泰。
天下昭蘇。彩鳳聽樂。黃龍負圖。其德難名。元功不宰。
脫屣城闕。遺形江海。陵廟有依。山川無改。象耕未輟。
鳥耘猶在。託此巖阿。神心若何。蒸嘗昔少。俎豆今多。
百越迢遙。九疑嵯峨。湘雲古色。楚水新波。庭羅松桂。
森若容衛。檐度風飈。宛如籛詔。黎庶以寧。陰陽以調。
憑茲聖靈。祚我皇朝。

寄李翱書

唐 裴 度

晚唐文字
大奇昏公
之言大有
所感

前者唐生至自滑猥辱致書禮兼獲所貺新作十二
篇度俗流也不盡窺見若惑女碑烈婦傳可以激揚
烈教義煥于史氏鍾銘謂以功伐名于器非爲銘與
弟正辭書謂文非一藝斯皆可謂救文之失廣文之
用也愚謂三五之代上垂拱而無爲下不知其帝力
其漸被于天地萬物不可得而傳也夏殷之際聖賢
相遇其文在于盛德大業又鮮可得而傳也厥後周
公遭變仲尼不當世其文遺于冊府故可得而傳也
是作周孔之文也荀孟之文左右周孔之文也理身

古文奇賞

卷之十六

七十四

理家理國理天下一日失之敗亂至矣騷人之文發
憤之文也雅多自賢頗有狂態相如子雲之文譎諫
之文也自爲一家不是正氣賈誼之文化成之文也
鋪陳帝王之道昭昭在目司馬遷之文財成之文也
馳騁數千載若有餘力董仲舒劉向之文通儒之文
也發明經術究極天人其餘擅美一時流譽千載者
多矣不足爲弟道焉然皆不詭其詞而詞自麗不異
其理而理自新若夫典謨訓誥文言繫辭國風雅頌
經聖人之筆削者則又至易也至直也雖大彌天地
細入無間而奇言怪語未之或有意隨文而可見事

隨意而可行。此所謂文可文非常文也。觀弟近日制
作大旨常以時世之文多偶對儷句屬綴風雲羈束
聲韻爲文之病甚矣。故以雄詞遠致一以矯之。則是
以文字爲意也。昔人有見小人之違道者恥與之同
形貌共衣服遂思倒置眉目反易冠帶以異也。不知
其倒之反之非也。雖失於小亦異于君子矣。故文之
異在氣格之高下思致之深淺不在磔裂章句墮廢
聲韻也。人之異在風神之清濁心志之通塞不在手
倒置眉目反易冠帶也。昌黎韓愈僕識之舊矣。中心
愛之不覺驚賞然其人信美材也。近或聞諸儕類云
平○可○矣○乎○今○之○不○及○之○者○當○大○爲○防○焉○爾○

古文奇賞

卷十六

七十五

特其絕足往。往奔放不以文立制。而以文爲戲。可矣。

論事于宰相書

唐 李 翱

韓文公以
文章事
意于翔而
猶嫌其未
謝塵事蓋
古文論之
難言知此

翻軻上堂
相公曰焉
知大有心
者不磨勇
養氣徒相
公呼而出
之耳又云
至于中間
立無嫌宋
之相耶何
說者局于
函而不至
守五六耶

凡居上位之人。皆勇於進而懦于退。但見已道之行。不見已道之塞。日度一日。以至于黜退奄至而終不能先自為謀者。前後皆是也。閣下居位三年矣。其所合於人情者不少。其所垂于物議者亦已多矣。姦邪登用而不知知而不能去。柳泌為刺史。疏而不止。韓潮州直諫貶責。諱而不得。道路之人咸曰。焉用彼相矣。閣下尚自恕以為猶可以輔政太平。雖枉尺猶能直尋。較吾所得者不啻補其所失。何足遽自為去就也。切怪閣下能容忍亦已甚矣。昨日來高枕不寐。靜

古文奇賞 卷十六

七十六

為閣下思之。豈有宰相上三疏而止。一邪人而終不信。閣下天資畏慎。又不能顯辭其事。忍恥署救。內愧私歎。又將自恕曰。吾道尚行。吾言尚信。果我為賢相矣。我若引退。則誰能輔太平邪。是又不可之甚也。當貞觀之初。房杜為相。以為非房杜則不可也。開元之初。姚宋為相。以為非姚宋則不可也。房杜姚宋之不相。亦以久矣。中書未嘗無宰相。然則果何必于房杜姚宋。况道不行。雖臯陶伊尹將何為也。房杜姚宋。誠賢也。若道不行。言不信。其心所為賢者。終不敢不進。其心所為邪者。終不敢不薦。而許敬宗李義府同

列○事○言○信○道○行○又○自○度○智○力○必○不○足○以○排○之○矣○則○
將○自○引○而○止○乎○將○坐○而○待○黜○退○乎○尚○自○恕○苟○安○于○位○
乎○以○閣○下○之○明○度○之○富○可○知○矣○凡○慮○已○事○則○不○明○斷○
他○人○事○則○明○已○私○而○他○人○公○勇○易○斷○也○承○閣○下○厚○知○
受○獎○擢○者○不○少○能○受○閣○下○德○而○獻○盡○言○者○未○必○多○人○
幸○蒙○以○國○士○見○目○十○五○年○餘○矣○但○欲○自○竭○其○分○耳○聽○
與○怪○在○閣○下○裁○之○而○已○

唐玄宗明皇帝哀冊文

唐 王 縉

維寶應元年歲次壬寅建巳月五日玄宗至道大聖
 大明孝皇帝崩于神龍殿旋殯于太極殿之西階粵
 以寶應二年三月甲辰朔十一日將遷座于泰陵禮
 也象物已設仙馭將飛空聞脫屣無從求衣孝孫皇
 帝親迎遣奠意延晷刻向池綽而涕流想山園而心
 惻九天兮無所一往兮何極感貽美于孫謀俾述事
 于祖德其詞曰 道德洋溢乾坤交泰成功如何登
 封于岱太平如何是時無外才藝餘美帝王之最學
 究天人乙夜慚對文齊日月秋風靡逮推曆正元調

古文奇賞 卷十六

七十八

會狐疑
 意守之桂
 華期兮高
 毀寂梧葉
 贈兮深定
 愁

律平害札動雲落。弦開葉碎。揮琴陋虞教。詞輕沛。良
 辰可賞聽。政方退鐘鼓。屢陳君臣高。會巍巍蕩蕩。四
 十餘載。巡省順動。西南奧區。命子出震。繼明握圖。長
 驅猛士。累剪封狐。不失舊物。言旋上都。離宮就養。壽
 酒多娛。習道久矣。神仙遠乎。嗚呼哀哉。湖上鑄鼎。海
 中祈藥。忽乘紫氣。長遊碧落。千門萬戶。若無天兮。寥
 廓八達。九衢。雖有人兮。寂寞。淚為雨于宸極。哭成雷
 于郊郭。遺轍跡而徒攀。葬衣冠而可託。同軌畢至。初
 陵已開。震鳳輦于仙仗。降龍輻于帝臺。擬將行兮。肅
 穆。似有視兮。徘徊。遇春城兮如送。望暮山兮謂來。嗚

虞世南哀
太宗后文
網網樹而
樹慘鬱分
哀而垂泣

呼哀哉壽原肇吉先天不達接橋山之天隧營金阜
之玄扉擁馳道今皆往獨宮車今不歸厚夜兮藏書
終天兮戢輝文始遠極武餘英威立德不朽至道惟
微雖陰陽之與變化侔聖德兮安可希超前古以作
則遺後代以垂衣嗚呼哀哉

古文奇賞

卷十六

三九



朝廷命將。自數十百年。未有此重。然始命之重。而終責之固重矣。今丞相主也。刑部以宣慰爲名。乘生殺之機。制善敗之略。獨在閣下。閣下可使諸侯盡附。餘寇必誅。以快天子之心哉。若曰。吾獨主降者。與其縣邑耳。則是一王官之事。又非相國與朝之大賢所宜降也。若曰。吾將以法令齊之。則是韓弘之法令。嚴肅已過。不可加也。若曰。吾以闕庭之威。劫之。俾諸將懼而前鬪。則在下數行之語。決行之耳。又不必躡踵而推。捽項而驅也。若曰。吾親視其師。有不用命者。則奪

古文奇賞

卷十六

八十

似亦難素

險哉着

其符而易置幕府。則宜有素定。不可臨事而待聞也。若曰。吾將將彼三將。督進六萬。以誅寇。則其軍各從其帥帥之命也。吾未嘗撫循其人。又將何以結其心。而求其死哉。獨曰。賊重吾德義。必來降。此蓋萬一也。脫不如旨。其將何圖。嗚呼。國之理亂。在此行矣。得其晝則。兩河不足平。河湟不足復。失其策則。天下之事。自此繁矣。豈不惜哉。丞相尊重。素狎武陵之言。輕而不能盡行。時益恐不盡。願梗概其旨于閣下。夫兵機若神。應事立斷。千里之外。必待奏聞。而后行事。亦變矣。誠願丞相宜密請教旨。事無巨細。行而後聞。又宜

奏取中人嘗所不快者。爲監軍以一之。卽歸案所快者于內爲吾地。則用陰符五賊之術。以傾諸侯。卽復出絹八九十萬。以賞給士大夫。誠然矣。則孰不爲丞相之人。旣獲腰領。則以朝命命三將爲三陣。旣定期。給賊令。辨士持一函書。賜元濟。及其將士。以全活。彼必降矣。適不如料。則一日快進。必次于城下。此大略也。夫臨機制變。又何可數。昔司馬宣王征孟達。則八道急攻。征公孫文懿。則捨其銳而趨其虛。緩以撓。各從其利也。夫禽之制在氣。顧吾之法。令何如耳。昔

古文奇賞

卷十六

八十一

肅王以千人。劉牢之以八百人。高隆以三千五百人。謝玄以五千人。劉裕以二千五百人。是皆立鴻勳。成大業矣。夫就世務者在結人心。結人心者在吾所以張其形勢也。方聞紀綱之僕者三百人。軍令苟行。亦足以塞諸侯之望。奪羣寇之心。歸六萬人之志矣。使賊不爲則已。爲則必決死于一戰。以延其命。願閣下無事迫速。慎出令。拔奇十而已。造先主所以分蜀而帝者。獨以長短之權。傾曹公耳。誠使諸侯以嚴暴。吾以寬厚。收之諸侯。以殺戮。吾以禮義。懷之。彼有所短。吾見其長。彼有所乏。吾施其餘。則事何不濟哉。

許由先生廟碑

唐楊植

堯之聰明猶先生成堯之至理猶先生始堯不以天下讓先生先生之道猶昏先生不以清節避唐堯唐堯之道何尊是知天地間堯而許之日而月之生人已來避讓之大未有如先生者也若非錙銖九有亢極一夫安能以巖澤枯槁之姿下聖文神武之德則知丹朱得堯之體而遺堯之性先生得堯之性而遺堯之名是得之者守之不足遺之者宰之有餘天用先生批糠帝王牢籠六合欲先生躬戴清規首出萬古僭賊爲臣之道拜先生廟者得不戒之哉使湯之

古文奇賞

卷十六

八十二

智讀先生書夏祀不夷也使發之聖得先生夢商廟不墟也然湯武聖人之用也先生聖人之絜也于亂則吾用于治則吾絜二者聖人經時之大柄使湯武逢堯舜是必輜用而光絜矣先生逢桀紂是必捨絜而趨用矣則聖道變化豈有殊邪故喜爲雲霞怒爲雷雨先生神也生爲春夏殺爲秋冬先生功也結爲山嶽融爲川瀆先生壽也星羅月帳巖靈壑靜先生宅也聖人無爲金玉在璞先生富也功而不宰人文化成先生道也休光烈儀仰道垂師先生文也天機自絜雖死不褻先生武也噫先生所謂稟天之德合

地之式居天地中。立帝王則。噫先生所謂往矣。誰能
寂見寥廓。但箕穎之上。惟餘清風。噫先生所謂爲聖
人之大標。天地之外。揖堯謝舜。疇爲吾輩。我來獨尋
清禱意深。再拜刻石。取文于心。

古文奇賞

卷十六

八十三



67209



